

FANANGANAN-ANAKA

ARA-PANAHY

 Misaotra anao, Rahalahy Neville. Manao ahoana, ry sakaiza. Tena faly tokoa ny tonga eto izao maraina izao, sy manana an'izany fampidirana avy amin'ny pasitera izany. Tena nahafinaritra izany. Oh, fantatrareo, miresaka ny amin'ireo soavaly, fantatrareo, nametraka ny lamboridy teo amin'izy ireo, fantany fa ho avy ny asa. Eny, ilay izy dia, faly fotsiny aho fa ny Tompo no manao antsika ho soavaly miasa, mba hahafahantsika miasa, foana. Noho izany, isika tsy mihitsy, tsy reraka loatra hanao zavatra ho an'ny Tompo, raha anjarantsika ny manao an'ilay izy. Na izany aza, dia tena reraka be androany. Nanana fotoana nahatsiravina fotsiny aho, tato anatin'ny andro vitsivitsy.

² Nandeha tany California, tsy maintsy nandeha tamin'ny fiara misy fandriana aho. Ary, teneniko aminareo, miresaka momba ny fitontotontonana! Tany an-dàlana rehetra tany, telo amby dimampolo ora mba ahatongavana tany, ary tonga tany tamin'ny roa ora ny maraina. Tamin'ny dimy, dia tsy maintsy nifoha aho nandeha ka nitory teny tao amin'ny toeram-piasan'ny radio iray. Avy eo, ireo Christian Business Men, dia tsy maintsy nitory teny indray aho ho an'ny favoriana iraisam-pirenен'izy ireo. Ary avy eo tamin'io tolakandro io, dia nitory teny tao amin'ny tabernakla Batista goavana iray aho, ary avy eo ny... tamin'io hariva io. Ary avy eo dia nanohy fotsiny, niressaka isaky ny ora vitsivitsy, mandra-pamaranay ny Alatsinainy hariva tao amin'ny Angelus Temple. Ary avy eo dia nahatratra ny fiaran-dàlamby tamin'ny iraika ambin'ny folo, ary efatra amby enimpolo ora no nahatongavana tany an-trano. Noho izany dia azonareo eritreretina, miditra, afak'omaly, ary izao fotsiny...

³ Ary, omaly, dia nanoratra antso dimampolo mahery kely ny vadiko, mba ho avy hivavaka ho an'ny olona. Omaly maraina, fotsiny, hitanareo, antso dimampolo mahery kely. Mazava ho azy, tsy teto an-toerana izy rehetra ireo. Izy ireo dia—antso nanerana ny firenena izy ireo, saingy fotsiny, "Ho, afaka mankany Florida ve ianao? Afaka ho tonga *eto* ve ianao? Louisville ity." Izy ireo... Ahoana no handraisanareo, avy amin'ireo telo amby dimampolo ireo ankehitriny, ho an'ny maraina anankiray fotsiny? Noho izany, dia azonareo eritreretina.

⁴ Noho izany, omaly tolakandro, tonga aho mba hahita, teo anivon'ny sasany amin'ireo sakaiza malalantsika, hoe devoly

iray toy ny inona ny aretina. Ny lehilahy tanora iray izay fantattro taloha taona maro lasa izay, dia tena sary iray an'ny fahasalamana, lehilahy tanora toa atleta. Ary efa saiky eo amin'ny taonako izy ankehitriny, nefo toy ny sivifolo taona izy. Ary mandry izy, eo am-pahafatesana any Henryville. Ny sakaizan'ny rahalahiko tsara eto, Rahalahy Neville, dia i Kermit Spurgeon; ny rainy, mpitiora ny Filazantsara, sy mpampianatry ny sekoly, ary lehilahy iray tena mahafinaritra.

⁵ Niditra tao an-trano aho rehefa avy niteny tamiko i Rahalahy Neville fa teo am-pahafatesana ilay zazalahy, ary nanana tombontsoa lehibe izahay nitarika azy teo amin'ny Tompo Jesosy, omaly, ho an'ny famonjena ny fanahiny. Ary izaho sy ny vadiny dia niara-nifanaiky hevitra ka nivavaka tamimpahatsoram-po ho azy, rehefa lanin'ny homamiadana izy; nanomboka teo amin'ny roanjato livatra mahery, nihena hatrany amin'ny, misalasala aho raha milanja enimpolo izy. Noho izany, mino sy mihazona mafy isika, fa hanasitrana azy Andriamanitra. Izany, tsy fantatsika izay hiseho. Fa, zavatra anankiray no fantatsika, hoe efa tafafindra avy tamin'ny fahafatesana ho amin'ny Fiainana izy. Ary mieritreritra an'izay noheverin'ny dadany jamba antitra mampalahelo aho rehefa tonga taminy io hafatra io, taorian'ireo taona rehetra nivavahana ho azy, ary na dia izany aza. "Zaro amin'ny lâlana tokony halehany ny zaza," hitanareo. Ary fantattro fa nanana ohatra tsara teo anoloany izy.

⁶ Nifindra avy tany, nankany New Albany, nankany amin-dRtoa. Slaughter izay nipetraka teto, ary nanome azy hatramin'ny enina ora ireo dokotera, hahavelomana. Noho izany, ilay izy dia tena, tena nampalahelo, tao anatin'ilay fiandrasana. Ary toerana hafa.

⁷ Nisy tovolahy iray nipetraka teo anilan'ny varavarako taloha tany, nandehandeha fotsiny izy, zazalahy ara-dalâna, niasa ho amin'ny Bell Telephone Company, teo amin'ny roapoloo taona mahery teo. Nanana... Rain'ankizy telo na efatra. Nianjera ny zananivavy kely indray andro ary tapaka ny sandriny. Manomboka mahatsapa ngoly izy teo amin'ny tânany; nampalemy azy izany. Tsy fantatr'izy ireo akory izay tsy nety taminy. Mandry any izy, ary eo no misy azy.

⁸ Zavatra anankiray fotsiny aorian'ny hafa, ary aretina eo amin'ny lafiny rehetra. Tena faly aho fa misy lâlana fivoahana iray. Tena faly aho fa isika dia tsy voatery hijanona eto mandrakizay, ihany koa, sa tsy izany? Inona no ho nataontsika raha tsy maintsy nipetraka tao amin'ity tranon'ny pesta ity mandrakizay aho? Tena faly aho fa misy varavarana misokatra iray. Ary izay ihany ny tany, dia tranon'ny pesta iray fotsiny. Izany dia... Vantany vao mihevitra fotsiny ianareo fa mandeha tsara isika, amin'izay fotoana izay dia indro fa misy zavatra hafa tonga, ary, kanefa, indro tonga ny zavatra hafa iray. Fa, tena faly

aho fa misy lèlana fivoahana iray; tena faly fa tonga ny Tompo Jesosy ka nanao lèlana iray ho antsika, lèlana iray handosirana.

⁹ Noho izany, izao maraina izao, niteny tamiko ny Anabavy malalako Cox fa nisy olona iray tonga, raha nangataka ny olona teo an-toerana izahay mba ho tonga hivavahana, ary angamba tsy afaka nijanona afa-tsy minitra vitsy fotsiny. Ary noho izany dia hivavaka ho azy ireo angamba aho alohan'ny andraisako ny favoriana, ary, avy eo, raha tsy maintsy hiverina izy ireo.

¹⁰ Ary nieritreritra aho, arak'izany, ho an'ny sisa amin'izy ireo izay te-hijanova, dia hataoko somary fohy ny hafatiro, izao maraina izao, satria farim-peo, ary—ary tsy maintsy handeha avy hatrany any amin'ny favoriana hafa iray ankehitriny. Ary noho izany aho... Ary hanomboka amin'ny Sabotsy heriny ny favoriana any Chicago.

¹¹ Ary, noho izany, heveriko fa tonga ny fotoana tokony hahazoan'ity ampaham-paritra ity famangiana lehibe iray, ny amin'ny fahatongavan'ny rahalahintsika mendri-kaja, Billy Graham, any Louisville, amin'ity herinandro ho avy ity. Amin'io fotoana iray io ihany izy dia manomboka, Louisville, izaho manomboka any Chicago. Noho izany, hiverina aho, na izany aza, izaho—te-hihaona aminy aho, manokana, raha mbola eto izy. Ary misy sakaiza vitsivitsy hampahfantatra ahy aminy. Ary efa tany amin'ilay tanàna iray ihany mihitsy aho, tany ampitan-dranomasina, ary toerana maro samihafa, saingy fotsiny, noho izany, tsy afaka nifankahita izahay.

¹² Ary izaho—manontany am-pahatsoram-po an'ity fianganana ity aho, sy ity vondron'olona mivory eto ity izao maraina izao, mba hitondra an'io favoriana io ao am-pon'izy ireo, any Louisville.

¹³ Tiako ny hilaza an'izao, eo amin'izay ihany. Efa fantatrareo ve fa ny fito amby valopolo isan-jaton'ny zava-pisotro misy alikaola rehetra dia avy any Louisville, Kentucky, izay—izay sotroina eto Etazonia? Fito amby valopolo. Fantatrareo ve, eo amin'ny sivifolo isan-jaton'ny paraky sy ny karazany rehetra dia avy any Louisville, Kentucky? Efa fantatrareo ve fa izany no sezan'i Satana. Izany tokoa izy. Izany tokoa izy.

¹⁴ Iray amin'ireo toerana sarotra indrindra eto amin'izao tontolo izao, dia ity faritra manodidina eto ity, mba ho entina eo amin'i Jesosy Kristy Tompo. Firy no efa latsa-dranomaso, niezaka nitondra an'ity firenena ity, ireto Falls Cities ireto, ho eo amin'ny Tompo Jesosy! Jereo, Erickson, ireo rehetra izay nivoaka, nitomany mihitsy aza, ahoana no nanandraman'izy ireo sy nanandramany ary nanandramany. Nitolefika mihitsy aza i John Sproul, tao amin'ny Glory Barn tany, niezaka ny tsara indrindrany mba hitondra ilay zavatra ho an'ny Tompo Jesosy. Ahoana no nijoroan'ny hafa teo amin'ny lampihazo,

nitety an'ireo Falls Cities ireo, ka nanandrana, nefà tsy afaka nitondra azy ho an'ny Tompo Jesosy.

¹⁵ Ankehitriny, heveriko fa i Billy Graham no iray amin'ireo lehilahy fantatra indrindra eto amin'izao tontolo izao amin'izao andro izao, ara-pivavahana, araka ny hevitro. Mazava ho azy, fa manana eveka sy arseveka isika. Saingy, araka ny hevitro, dia mpitory ny Filazantsara iray izy, lehilahin'Andriamanitra. Ary noho izany—ary noho izany dia heveriko fa izy... Amin'ny maha-mpiady Kristiana, miaraka, dia ndao isika hampiaraka ny tenantsika sy ny fontsika miaraka, ka hivavaka ho an'io favoriana io, tsy toy ny taloha mihitsy. Ary angataho Andriamanitra mba, na ahoana na ahoana, hanome fanahy ho antsika, ary handrava ny sezan'i Satana, mba hanidy ny fanamboaran-toaka rehetra sy handoro an'ireo orinasan'ny paraky, ka hameno an'ireo fiangonana ary hanana tena fandrarahana iray amin'ny fanao fahiny an'ny Fanahy Masina. Ny Tompo anie hitahy!

¹⁶ Ankehitriny, manana zavatra iray hafa kely fotsiny aho, tsy mahazatra kely iray ho an'ny fanombohana. Manana zanaka kely anankiray ny rahalahiko eto izay tiany hatolotra ho an'ny Tompo. Ary heveriko fa hataontsika izany alohan'ny hivavahana ho an'ny marary, raha sitrapon'Andriamanitra. Ary raha ho avy eo amin'ny piano i Ranabavy Gertie. Ary izay rehetra manana zazakely...

¹⁷ Ankehitriny, ao amin'ny Baiboly, dia nampianarina isika eto fa... Ankehitriny, betsaka—betsaka, olona maro, no miantso ny fanaovana batisa azy ireny, mamafy rano amin'izy ireny, miantso an'izany hoe batisa an'ny "zaza." Eny, ankehitriny, mety tsara izany. Hia. Tsy mandratra an'ilay zazakely izany, ary izaho dia—azoko antoka fa hety tsara izany. Ary, ireo hafa, manana fomba hafa hanaovana an'izany izy ireo. Ary, saingy, tiantsika foana, akaiky arak'izay vitantsika, ny mijanona amin'ny fomba fanaovan'ny Baiboly an'izany. Ary, ny fomba fanaovan'ny Baiboly an'izany, tsy misy toerana ao amin'ny Baiboly izay hany nanaovan'izy ireo an'izany, tamin'ireo zazakely. Nisy...

Eny, ankehitriny, fa ny Testamenta Taloha, namora izy ireo.

¹⁸ Manontany aho raha hamindra kely fotsiny an'ilay anabavy ho eto amin'ny ilany iray eto ireo loholona sasany, raha sitrakareo, mandra-panaoventsika ny fanolorana; ilay anabavy izay eo amin'ny fitondra-marary eto. Ary, noho izany, tsy mampaninona anao ve, ranabavy malala? Vetivety fotsiny izany. Ary izahay...

¹⁹ Ary noho izany, ao amin'ny Testamenta Taloha, izy ireo—namora an'ilay zazakely izy ireo. Ary ao amin'ny... Namora an'ilay zazakely izy ireo.

²⁰ Ary ao amin'ny Testamenta Vaovao, ny fomba nanaovan'izy ireo an'izany, dia nentin'izy ireo teo amin'ny Tompo Jesosy ireo

ankizy madinika, dia nampakatra azy ireo teo an-Tànany Izy, ary nitso-drano azy ireo. Ary hoy Izy, “Avelao ny zaza hanatona Ahy, ary aza raràna, fa an’ny toa azy ny Fanjakana.”

²¹ Ankehitriny raha misy reny hafa eto, izay manana ny zaza keliny, izay tiany hatolotra ho an’ny Tompo, dia ho faly izahay ny hanao an’izany amin’izao fotoana izao. Ary ankehitriny enga anie isika...amim-pitandremana.

²² Ankehitriny, iza no anaran’ilay ankizy kely? [Hoy ilay rahalahy hoe, “Robert Lynn.”—Mpand.] Zazalahy kely iray, Robert Lynn. Ankehitriny, tena mahafinaritra izany. Ankehitriny, ity dia...mino aho fa ianareo—natsanganareo ilay zazakely...?....

²³ Izany dia maneho ny—ny fon’ny reny iray ho an’ny zanaka iray. Ary eo am-piertreretana an’ity, tsy nanan-janaka izy ireo, kanefa naniry ny hitaiza anankiray, dia nanangana an’ity zaza kely iray ity izy ireo. Fantatrareo ve fa isika rehetra dia zanaka natsangana? Toy izao no nitiavan’Andriamanitra antsika, fa Natsangany tamin’ny alàlan’Ny Zanany isika, Kristy Jesosy. Ary isika rehetra dia zanaka natsangana. Ary, tsarovy, ity ray sy reny ity rehefa mieritreritra an’ity zaza kely izay tsy nanana trano handehanana ity, dia nomen’izy ireo trano iray izy, hitaizana azy sy hamahanana azy. Tsy nanana trano handehanana isika, ka nomen’Andriamanitra anankiray.

²⁴ Zaza natsangana izy. Robert Lynn Branham no anarany; tena zazakely, tsara tarehy.

Hanondrika ny lohantsika isika ankehitriny.

²⁵ Ry Rainay any An-danitra sarobidy, tahaka ny tamin’ireo andro lasa, ray sy ny reny firy no nanandratra an’ireo zanany kely madinika teo an-Tànanao! Ary hoy Ianao hoe, “Avelao ny ankizy kely hanatona Ahy, ary aza raràna, fa an’ny toa azy ny Fanjakan’ny Lanitra.” Ary ity zaza kely anankiray tsy manan-trano ity, dia nomena trano iray, ary Ianao no nametraka tao ampon’izy ireo ny fitiavana an’ity zazakely ity.

²⁶ Ary, Ray, mivavaka izahay mba Hitahianao an’ity reny sy ray ity, raha mitaiza an’ilay zaza izy ireo. Ary enga anie izy ho voataiza ao amin’ny tokantranom-bavaka iray, ary hampianarina handeha any am-piangonana, sy hiaina ho an’ny Tompo Jesosy. Tahio izy, Ray any An-danitra malala.

²⁷ Ary, ankehitriny, raha teto an-tany Ianao, tao amin’ny tena ara-batana iray tahaka ny itsangananay izao maraina izao, dia ho natolotr’izy ireo teo amin’ny Sandrinao ilay zazakely. Fa efa lasa any An-danitra Ianao ka nanendry anay hanohy an’ilay asam-panompoana mandra-Piverinao. Ary, Ray, satria ny rahalahiko iray rà amiko manokana no mametraka an’ilay zazakely eo an-tànako, dia manolotra azy ho Anao aho amin’ny Anaran’i Kristy. Tahio ity zaza ity ary enga anie izy ho velona sy ho salama sy hatanjaka, ary hitombo ho Mpanomponao. Tahio

ny ray sy ny reny, ao an-tokantrano. Atolotray Anao izy, amin'ny Anaran'i Jesosy Kristy Tompo. Amena.

²⁸ Ho tahiana ianao, Agnes, aoka ho tena reny iray; ary ianao, Jesse, ho tena dada ho an'ity zazakely ity. Ary enga anie Andriamanitra hitahy anareo amin'ny ezakareo. Ary homba anareo anie Andriamanitra.

²⁹ Manao ahoana ianao! Iza no anaran'ilay zazakely? [Hoy ilay anabavy hoe, "Robert Darrel."—Mpand.] Robert iray hafa. Eny, mahafinaritra izany. Robert Darrel iray.

³⁰ Ary iza no anaranao? [Hoy ilay anabavy hoe, "Robertson."—Mpand.] Zandry ianao. ["Eny."] Ary ny anaranao? ["McCloud."] McCloud. [Elanelana tsy voaraki-peo.]

Mampiditra an'ireo amboara, mampiditra an'ireo
amboara,
Oh, ho avy am-pifaliana isika, mampiditra an'ireo
amboara.

Mamafy amin'ny maraina, mamafy amin'ny
hariva,
Mamafy amin'ny mitataovovonana sy amin'ny
hatsiakan'ny hariva;
Tsy ho ela ny fotoam-pijinjana, avy eo dia ny
fotoan'ny fanangonam-bokatra,
Ho avy am-pifaliana isika, mampiditra an'ireo
amboara.

³¹ Eny, mahafinaritra izany. Mampiditra an'ireo amboara, izany no ataon'ireo ray sy ny reny: mitondra azy ireo eo amin'ny Tompo Jesosy.

³² Ilay anabavy nandry teo ambonin'ny fitondra-marary, dia toy ny hoe ratsy indrindra amin'ny rehetra, arak'izay azontsika jerena. Ao anatin'ny fitondra-marary iray izy. Ary isika dia... Raha misy olona... Te-hiandry minitra vitsy fotsiny izy, mba handre ny Hafatra, alohan'ny hivavahana. Ary heveriko fa tena, tena tsara izany. Raha misy olona eto izay tsy afaka miandry, ka te-handeha, ary raha tianareo ny hivavahana izao ankehitriny izao, dia ho faly izahay hanao an'izany, raha hanangana ny tānanareo fotsiny ianareo. Raha tsy izany, dia hanana asampanasitranana avy hatrany izahay aorian'ny... hafatra fohy iray; miezaka banana fotoam-pitsaharana aorian'ny sekoly Alahady. Eny àry. Noho izany dia hamaky ny Soratra isika ka hanana ny Hafatra ary, haingana mihitsy, ary avy eo dia haka ny fotoantsika ao amin'ny laharam-bavaka.

³³ Ary ankehitriny, alohan'ny hanombohantsika, dia tiako ianareo, ny rehetra izay salama izao maraina izao, mba hahatsiaro an'ireo izay marary, satria tsy maintsy mifampivavaka isika.

³⁴ Ary tena faly aho rehefa tonga tany California indray andro, ka niditra tao amin'ireo tabernakla ireo izay nezahan'izy ireo nifanery. Ary tao amin'ny Clifton dia nitsangana teo amin'ny andian-tanàna iray izy ireo, teny an-dàlambe, te-hijoro vavolombelona fotsiny. Ary nanao hoe, "Rahalahy Branham, tratry ny homamiadana aho fahiny. Nivavaka ho ahy ianao. Izaho—jamba aho. Izaho dia *ity*."

³⁵ Ary toy ny hoe nidina teny an-dàlambe, ary fihetseham-po tahaka an'izany! Nieritreritra aho hoe, "Andriamanitra, ho inona izany rehefa hiampita izahay ka ho tonga eny amin'ilay ilany hafa? Eo izy ireo izao, miangona amin'ny an'aliny, mitsangana eo." Ary ho zavatra mahatalanjona toy ny inona izany amin'io fotoana io! Koa, noho izany, dia tsy hisy dikany betsaka ireo ezaka kelintsika mandreraka. Ankehitriny dia mandeha isika mandra-pahatongantsika fotsiny, toy ny hoe, tsy afaka mandeha lavitra kokoa isika, ary saika reraka sy mivembena fotsiny.

³⁶ Ary avy eo dia tonga i Satana, manao hoe, "Inona no ilàna an'izany? Ho an'ny inona no anaovanao an'izany?" Oadray!

³⁷ Fa avy eo dia mieritreritra zavatra tahaka an'izany ianareo, izany no manova an'ilay izy, tanteraka. Izany no manao... Izany no manao an'ireo zavatra ho hafa.

³⁸ Ankehitriny, alohan'ny hanatonantsika ny Teny, dia hivavaka vetivety indray isika.

³⁹ Ry Rainay any An-danitra, amin'ny fo mankasitraka no anatonanay Anao. Eny tokoa, Tompo, Fantatrao ny toe-batan'ny olona rehetra. Ary malemy sy mora simba toy ny ahoana izy, ary tsy manan-kery toy ny ahoana izy. Ary fialan-tsiny iray tahaka ny—ny Mpanomponao, ny olona, nefo, Tompo, nohon'ny Fahasoavanao no Niantsoanao anay mba ho Mpanomponao. Ary tonga saina izahay, izao maraina izao, ny amin'ny tsy fahamendrehanay, ka mangataka izahay mba Hanekenao anay, Ray, androany, sy hanosotra amin'ny Fanahy Masina, ary hiteny aminay an'ireo Teny mampionona izay Noteneniniao ao amin'Ny Teninao Masina eto. Ary mivavaka izahay mba hitondran'ny Fanahy Masina ny Teny tsirairay avy hatrany ao am-po, amin'izay ilaina hisy azy, ary enga anie hamikitra izany sy hamokatra fifaliana lehibe, ireo hazon'ny famonjena. Ekeo izany, Ray.

⁴⁰ Sitrano ny marary sy ny manana ilaina. Fantatray fa mipetraka eto izy ireo. Ary maro no tonga avy tamin'ny maily maro, ary nandry tao amin'ny hotely sy ny sisa, niandry an'ilay fanararaotra mba hivavahana. Tena faly izahay ny amin'ity tombontsoa lehibe ity, Tompo, mahafantatra fa eto Ianao hanasitrana ny marary.

⁴¹ Andriamanitra, ny iray amin'ireo marary indrindra fantatray, dia ilay lehilahy sy vehivavy mararin'ny fahotana.

Mivavaka aho, Ray any An-danitra, mba amin'ity andro ity, Ianao no, amin'ny fomba manokana, hanosotra, androany, ary hamonjy ny very. Ny lehilahy sy vehivavy very rehetra, enga anie izy ireo hanatona moramora ny Seza fiandrianan'ny fahasoavana ka ho voavonjy, fa amin'ny Anaran'i Kristy no angatahanay an'izany. Amena.

⁴² Ankehitriny enga anie ny Tompo hanampy ny Fitahiany amin'ny famakiana Ny Teniny, raha miditra ao amin'Izany isika. Efa mpino lehibe iray an'ny Teny foana aho. Satria, eto, ary hariva vitsy lasa izay, dia niresaka aho tany ho any mikasika an'ireo—ireo mpaminany izay nandeha haminany. Kanefa, Mikaia...rehefa avy nanao manda mafy anankiray ireo mpaminany efa-jato. Kanefa, hoy i Josafata hoe, “Tsy misy anankiray amboninay fotsiny ve?” Anankiray amboninay, rehefa avy nanome ny Teny ireo efa-jato? Fa, nijanona tamin'ny Tenin'Andriamanitra i Mikaia. Fantany fa nisy zavatra tsy nety tao.

⁴³ Ary raha mbola mandre zavatra ivelan'ny Tenin'Andriamanitra foana isika, dia fantatsika fa misy zavatra tsy mety ao. Tsy maneno tsara fotsiny ilay izy. Hoy Jesosy hoe, “Ny Ondriko mahalala Ny Feoko, ary tsy hanaraka vahiny izy ireo.”

⁴⁴ Ary misaotra anareo, tamin'ny vavaka tany, ho an'ny fifohazan'ny Angelus Temple. Ny hariva voalohany tany... Mihazona dimanjato sy dimy arivo fotsiny ilay izy; dimy arivo, dimanjato. Namela enina arivo niditra izy ireo, ka nakaton'ilay kapitenin'ny mpamono afo ireo varavarana, adiny iray sy sasany talohan'ny nahatongavako tany, tao amin'ny Angelus Temple. Ary toy ny ahoana no namonjen'i Tompo Jesosy malalantsika ny very sy nanasitrana ny marary! Nahafinaritra ilay izy. Ary ny ampitso...

⁴⁵ Ary ny Anabavy kelintsika Hicks, izay mpampianatra sekoly Alahady teto taloha, dia nihaona taminy sy ireo zanany ary ny vadiny aho. Ary nihaona tamin-dRahalahy Ben Bryant sy ireo rehetra izay nandeha avy tamin'ity tabernakla ity aho, tany, nankany andrefana, mba—mba hiombona tany. Fivoriana iray nahafinaritra toy ny inona izany, ny tonga ka nahita azy rehetra ireo indray!

⁴⁶ Ao amin'ny toko faha-17-n'ny Masindahy Matio, amin'ny fomba famakiana iray fotsiny, izao maraina izao. Te-hamaky ampahany iray fotsiny aho eto ho an'ny lahateny iray. Ary enga anie ny Tompo hanome antsika ny lohahevitra ao amin'ny Teny.

...afaka enina andro Jesosy dia naka an'i Petera,
Jakoba, ary Jaona rahalahiny, ka nitondra azy ireo
nankany amin'ny tendrombohitra avo iray hitokana,

Ary niova tarehy teo anatrehan'izy ireo: ka ny tavany dia namirapiratra tahaka ny masoandro, ary ny fitafiany fotsy tahaka ny mazava.

Ary, indro, niseho taminy Mosesy sy Elias niresaka taminy.

Ary Petera namaly, ka nanao tamin'i Jesosy hoe, Tompo, tsara raha mitoetra eto isika: hanao...ndao isika hanorina...raha sitrakao, dia avelao izahay hanao ho anao tabernakely telo; anankiray ho anao,... anankiray ho an'i Mosesy, ary anankiray ho an'i Elias.

Raha mbola niteny izy, dia indro, nisy rahona mazava nanarona azy ireo: ary indro nisy feo avy tao amin'ny rahona, izay nanao hoe, Ity no Zanako malalako, izay sitrako; henoy izy.

⁴⁷ Enga anie ny Tompo hanampy ny Fitahiany amin'ny famakiana Ny Teniny.

⁴⁸ Indraindray Andriamanitra dia mihaona amin'ny fivorian'olona samihafa. Tian'Andriamanitra foana ny mivory miaraka amin'ny olona. Ary matetika, ao amin'ny Testamenta Taloha, ahoana fa afaka miverina isika mba hahita hoe ahoana no nihaonan'Andriamanitra tamin'ny olona. Ary tsy mampaninona izay isan'izy ireo, mihaona amin'ny olona Andriamanitra. Nihaona tamin'ny dimanjato Izy indray mandeha. Ary Izy dia nihaona, indray, tamin'ny fitopolo. Izy dia nihaona, indray, tamin'ny roa ambin'ny folo. Nihaona tamin'ny telo Izy indray mandeha. Ary avy eo Izy dia nihaona, indray, tamin'ny anankiray fotsiny. Ary tsy mampaninona ny isan'ny mpivory, dia tian'Andriamanitra foana ny mihaona amin'ny olona.

⁴⁹ Noho izany, na dia tsy lehibe aza ny fiangonana izao maraina izao amin'ny antokon'olona na amin'ny hahabe, tahaka an'ireo katedraly lehibe maro amin'izao andro izao, fa hahafaly an'Andriamanitra ny hihaona amintsika. Satria, hoy Izy hoe, “Na aiza na aiza no iangonan'ny roa na telo amin'Ny Anarako, dia ho eo afovoan'izy ireo Aho. Roa na telo hiangona amin'Ny Anarako, dia ho eo afovoan'io roa na telo io Aho.”

⁵⁰ Ary ny sary izay azontsika apetraka eto androany, amin'ny alàlan'ny Fanahy Masina, afaka maka ora maro isika hidirana ao amin'ity lahateny ity, eny, hilaza aho hoe mandritra ny herinandro maro. Ary efa nidirana Izany, nandritry ny taona maro, fa, kanefa, tsy mbola hita akory mihitsy aza ny antsasany amin'ity lahateny mahatalanjona ity, ary angamba tsy ho hita mihitsy.

⁵¹ Satria, ny Tenin'Andriamanitra dia tsy tahaka ny tenin'olona. Manana dikany anankiray ny tenin'olona, na ny fiteny sy ny fotoana nanomezana azy, fa ny Tenin'Andriamanitra dia manana dikany Mandrakizay manerana an'ireo taona

arakaraky ny Iparitahany. Ny taranaka tsirairay dia afaka maka an'ilay Teny iray ihany, satria Izany dia filazana iray voatsindrimandry, Mandrakizay, mandrakizay, tsy levona avy amin'Andriamanitra. Tsy mampaninona raha Izany... Raha namaky an'Izany ireo apostoly tamin'ny taonany, dia nidika zavatra iray ho azy ireo Izany; raha namaky an'Izany i Wesley tamin'ny taonany, ary i Luther tamin'ny taonany, ary i Calvin tamin'ny taonany. Kanefa, amin'izao andro izao, dia manjelatra sy mamirapiratra fotsiny Izany, ary misy fiantraikany betsaka tahaka ny Nataony ho azy ireo tamin'ilay tena andro nitenenana Azy mihitsy, satria Tenin'Andriamanitra Izany.

⁵² Ireo tenintsika, manao fotsiny hoe, "John, mankanesa ato an-tranoko ianao, ho faly aho hahita anao." Izany no tenintsika, ary midika fotsiny izany hoe, "John, mankanesa ato an-tranonay."

⁵³ Fa rehefa miteny Andriamanitra, dia Mandrakizay izany. Nitsoka fofon'aina avy tamin'ny fofonain'ilay tena Mpamorona Izy tenany tsy mety maty, mandrakizay izany. Koa, noho izany, dia tsy misy fomba hany hahitana ny dika feno an'ny fitenin'Andriamanitra. Ho an'ny taona tsirairay izany, sy ny taranaka tsirairay.

⁵⁴ Ankehitriny, amin'ity tranga ity, ao amin'ny...izay ananantsika eo anoloantsika izao maraina izao, dia Andriamanitra niresaka tamin'ny isam-batan'olona telo.

⁵⁵ Ankehitriny, *telo*, voalohany, no isa nofantenan'Andriamanitra an'ny "fahatanterahana." Nifidy telo Andriamanitra, ary ny telo dia isan'ny fahatanterahan'Andriamanitra. *Fito* dia Isany an'ny "fanompoana." *Dimampolo* dia Isany an'ny "jobily." *Efapolo* dia Isany an'ny "fakam-panahy." Ary telo dia Isany izay Nofidiny hiakarana, amin'ity andro ity.

⁵⁶ Ankehitriny, ny telo dia isan'ny fahatanterahana, izany hoe, hoe Andriamanitra dia tanteraka; ilay Andriamanitra anankiray, marina, Mandrakizay dia tanteraka ao amin'ireo fizaram-potoana telo an'ny fanehoana ny Maha-Andriamanitra Azy: Ray, Zanaka, Fanahy Masina. Tsy midika izany fa misy Andriamanitra isam-batan'olona telo samihafa. Fa, misy Andriamanitra anankiray voaseho ao amin'ny telo. Andriamanitra dia tsy telo. Andriamanitra dia anankiray. Fa, fanehoana telo ny amin'ny Maha-Andriamanitra Azy, midika hoe, fizaram-potoana telo eto an-tany no mahatanteraka an'ilay Andriamanitra anankiray, marina ary velona.

⁵⁷ Niseho tamin'i Abrahama tao amin'ilay roimemy nirehitra Izy, ary nitarika ny zanak'Israely, tamin'ny Anaran'Andriamanitra, ilay Ray, izay Hazavana iray izay nahantona teo ambonin'ny tabernakely, izay nitarika azy ireo tao amin'ny diany. Andriamanitra, ilay Ray. Ary avy eo ilay Ray,

mba hitondra ny fampihavanana eo amin'Andriamanitra sy ny olona . . .

⁵⁸ Araka ny noresahako teto fotoana vitsy lasa izay, mino aho, ny fotoana farany naha-teto amin'ny tabernakla ahy, mikasika ny voromailala sy ny zanak'ondry. Ahoana fa Andriamanitra, irery ihany . . . Tsy nisy olon-kafa afaka nanao an'izany. Tsy maintsy tonga teto an-tany Andriamanitra ary nanao an'ilay asa Samirery. Ary rehefa naneho Ny Zanany tamin'ny endrika zanak'ondry iray Izy, ilay malemy fanahy indrindra amin'ny zava-boahary rehetra, ary Izy naneho ny Tenany tao amin'ny endrika voromailala iray, ilay malemy fanahy indrindra amin'ny vorona rehetra izay manidina eny amin'ny lanitra. Ary ny antony Nanaovany an'izany, dia mba hanehoana amintsika fa ny fahalemem-panahy ihany no honina miaraka amin'ny fahalemem-panahy, ny fanetre-tena honina miaraka amin'ny fanetre-tena. Tsy maintsy mifanandrify izany.

⁵⁹ Ny mpandrafitra, na mpanao fanaka iray, izay mahafantatra ny dikan'ny hoe mampitovy, no iantsoantsika azy, mba hanaovana an'ireo vavin-drafitra, na ny lahy-sy-vavin-drafitra. Mba hanaovana an'ilay hazo fisaka ho feno, dia mametraka lahy-sy-vavin-drafitra. Ary rehefa lasa mitambatra izy ireo, dia tena mifampiditra mafy tsara. Miaraka amin'ny rano eny ambonin'izy ireo, dia hivonto izy ireo hany ka tsy afaka hanao ny lâlany handalo ao akory aza ny rivotra.

⁶⁰ Ary rehefa ilay mpino sy Andriamanitra . . . Tena tanteraka Andriamanitra, ka, amin'ny alàlan'ny fandrantsanana sy ny fanamboarana an'ilay mpino, rehefa lasa mitambatra izy ireo. Hoy Petera hoe, "Mibebaha, arak'izany, ka aoka hatao batisa amin'ny Anaran'i Jesosy Kristy ho an'ny famelàna ny fahotanareo, ary ianareo handray ny fanomezan'ny Fanahy Masina." Hitanareo? Manao azy ireo ho tena feno!

⁶¹ Ary avy eo rehefa nidina tao amin'ny endrika voromailala iray Andriamanitra, dia nipetraka teo ambonin'ilay Zanak'ondry ka nitoetra tao amin'ilay Zanak'ondry, ary tsy nandao an'ilay Zanak'ondry mihitsy, satria iray ihany izy ireo. Izany no iray amin'ireo fisehon-javatra lehibe indrindra izay hany nananan'izao tontolo izao. Ndao jerentsika vetivety fotsiny izany, miala amin'ny lahateniko, saingy ahoana fa nifanoroka ny lanitra sy ny tany. Ahoana fa lasa nihavana niaraka Andriamanitra sy ny olona! Ahoana fa na dia ny zava-boahary izay manidina eny amin'ny lanitra aza, sy ireo biby izay mirenireny eny an-tsaha, dia lasa iray, rehefa nihavana niaraka ny olona sy Andriamanitra, tamin'ny alàlan'ilay Lehilahy, Jesosy Kristy Tompo. Zavatra iray mahatalanjona toy ny inona!

⁶² Mba hijanonana miaraka amin'Andriamanitra, dia mijanòna malemy fanahy. Malemy fanahy Andriamanitra. Mba hijanonana miaraka amin'Andriamanitra, dia mijanòna amin'ny

fitiavana. Andriamanitra dia fitiavana. Mijanòna mora fanahy. Mijanòna... Aza mahavita tena mihitsy. Miankina Aminy isan'andro. Aza mampiasa ny sainareo manokana mihitsy; raiso ny Fisainany. Aoka ny Fisainany ho fisainanareo. Ary ampidiro ao anatin'ny sainareo ara-nofo Izzy ireo, ary averimbereno hatrany Izzy ireo. Ka manaoa hoe, "O Andriamanitra, esory ny fisalasalako rehetra, ka aoka ny fisainako ho ireo Fisainanao." Ary ianareo olona marary, ataaovy izany raha miresaka izahay. Esory fotsiny, ario ny fisainana ny aretina. Raiso ny fisainan'ny fanasitranan'Andriamanitra, avelao Izzy ireo ho lasa fisainanareo.

⁶³ "Saino ireo zavatra ireo," hoy ny Baiboly, "raha misy dera, raha misy hery."

⁶⁴ Ireo telo, Andriamanitra miresaka amin'izy ireo. Ankehitriny, telo dia fanamarinana. Nentiny niaraka Taminy, i Petera, finoana; Jakoba, fanantenana; Jaona, fitiavana. "Finoana, fanantenana, ary fitiavana, ireo telo ireo." Raha afaka manana finoana sy fanantenana ary fitiavana ianareo, dia eo akaikin'ny Fanjakan'ny Lanitra, arak'izany; ireo zavatra telo lehibe. Naka an'ireo Andriamanitra ho fanamarinana, satria, "Amin'ny vavan'ny vavolombelona roa na telo, no aoka hanorenana mafy ny teny rehetra."

⁶⁵ Avy eo, indray, izany dia naneho ny fametrahana zanakalahy iray. Ao amin'ny Testamenta Taloha, rehefa teraka tao amin'ny fianakaviana ny zanakalahy iray, dia nomena mpitaiza iray izy mba hitaiza azy sy hikarakara azy. Lehilahy iray tena sahirana ilay ray, teo amin'ny fanjakany. Ary ny fanjakana kely tsirairay dia nantsoina hoe trano iray.

⁶⁶ Tahaka an'izany, ao amin'ny fandikan'ny King James, Jaona 14, nilaza hoe, "Ao an-tranon'Ny Raiko misy fitoerana maro." Ankehitriny, tsy maneno tsara mihitsy izany amintsika vahoaka tandrefana izay maka fitoerana iray sy trano iray ho samihafa. Fa tamin'ny andro nanoratana ny Baiboly, dia tao anatin'ny trano ny fitoerana, satria ny trano dia nidika hoe fanjakana.

⁶⁷ Ary ity ray ity dia nanana mpanofa maro tao amin'ny toeram-piompiany, hatraiza hatraiza, roa ambin'ny folo tamin'izy ireo. Ary rehefa teraka ny zanakalahy iray, dia nanana olona iray voafantina, nianatra, nanetry tena izy, olona iray voafantina izay anankiray akaiky azy, amphan'ny fanjakany, mpitaiza iray. Io karazana io ihany no napetrak'ilay ray teo amin'ny zanakalahiny.

⁶⁸ Ary ahoana fa ilay Ray amin'izao andro izao dia nametraka an'ilay karazana Mpitaiza tsara eo amin'ireo Zanany, izaho sy ianareo. Voafantina, tsy misy hafa afa-tsy ilay tena fo sy ny fanahin'ny Tompo Jesosy mihitsy, mba hitaiza ao amin'ny fiderana an'Andriamanitra.

⁶⁹ Ahoana fa tsy maintsy voafantina io mpitaiza io! Tsy maintsy lehilahy iray mamiratra izy, lehilahy iray voafantina, tia an'ilay ray, izay hampianatra an'ilay zaza an'ireo fitsipika marina irery ihany.

⁷⁰ Ary ahoana ny Fanahy Masina, amin'izao andro izao, rehefa tonga Izzy, ny zavatra hafa rehetra dia toa faharoa rehefa tonga ny Fanahy Masina. Afaka milaza ny olona hoe, "Efa lasa ireo andron'ny fahagagana," fa avelao ny lehilahy iray nateraka indray tamin'ny Fanahy Masina, indray mandeha, ho tonga anatrehan'izany. Satria, mampianatra an'izay tena misy fotsiny ihany Izzy. Ny Ray irery ihany no Resahiny.

⁷¹ Aleoko manana lehilahy iray izay tsy nahafantatra ny ABDyn, hampianatra ny zanako, izay nanana ny Fanahy Masina, toy izay ny mpampianatra rehetra eto amin'izao tontolo izao izay tsy nanana ny Fanahy Masina. Satria, miresaka ny amin'ny Ray Izzy. Hitanareo? Ary ny Fanahy Masina dia miresaka ny amin'ny Ray. Ary avy eo dia hampianatra an'ilay zanaka Izzy hoe, "Tsy ahilangilan'ny rivo-pampianarana rehetra," fa manaiky sy mino an'ireo fitsipika napetraky ny Ray.

⁷² Izany no antony mahatonga ny fansitranana avy amin'Andriamanitra ho tena tsotra, ho an'ilay tena mpino, satria nampianarina izy, tamin'ny Fanahy Masina, mba hino ny zavatra rehetra. Ahoana no mba ahafahantsika hisalasala amin'ny Tenin'ilay Mpamorona?

⁷³ Ahoana no mba nahatongavan'izao tontolo izao tamin'ny fisiana? Taiza no nahazoan'Andriamanitra ny fitaovana hanamboarana azy? Efa mba nijanona ve ianareo nieritreritra an'izany? Noteneniny fotsiny ilay izy. Ary, sady izay koa, ny tena famoronanana izay eto mihtsy ankehitriny dia tsy inona fa ny Tenin'Andriamanitra tonga voaseho. Eritrereto izany. Ny hazo izay maniry, dia ny Tenin'Andriamanitra. Ny tendrombohitra manakatra ny lanitra, ka mahatonga antsika, raha maniry hahita hatsarana isika, hijery an'ireo tendrombohitra. Ary arakaraky ny iakaranareo an'ilay tendrombohitra, no mahatonga azy ho mangarangarana sy madio kokoa.

⁷⁴ Mitsangana any amin'ny sahan-dranomandry any British Columbia avaratra! Raha mijery ianareo eto, eo amin'ilay honahona; avo kely kokoa, lasa madio kokoa ny rano, lasa manga kokoa sy madio kokoa izy, manjavona ireo hazo. Ny natiora rehetra dia toa manao hoe, "Miandràndrà." Ary eny an-tampon'ilay ranomandry mangatsiaka lehibe izay tena manjelatra hany ka mamirapiratra tahaka ny masoandro mihtsy aza ilay izy, dia miandràndrà ianareo. Raha te-hahita zavatra mahasoa sy tena izy, ary zavatra madio ianareo, dia miandràndrà foana. Ny tendrombohitra no manondro azy. Hoy Davida hoe, "Hijery ny havoana izay ihavian'ny famonjena ahy aho. Ny famonjena ahy dia avy amin'ny Tompo."

⁷⁵ Ny mpitaiza dia nanondro an'ilay zaza nankany amin'ny ray foana, ary tsy maintsy nino an'ilay ray. Ary, avy eo, dia mpampiofana iray ilay mpitaiza.

⁷⁶ Izao maraina izao, raha njery an'ilay namako kely malalako aho, ary nahita an'ilay zanakolahy kely, rehefa nametraka ny angoty keliny teo amin'ny latabatra izy, niaraka tamin'ny vilia keliny nisy ny atodiny sy ny sisa, niasa tena tamim-pahatokiana io reny io mba hanamboatra ny sakafô marainany. Ary niezaka nampianatra azy hihinana tamin'ny sotrony izy. Ary te-handray an'ilay tànana diso izy.

⁷⁷ Eny, ho ahy, hoy aho hoe, "Avelao izy hampiasa an'io tànana io." Fa hafa no fantatr'ilay reny. Fantany, raha avelany hanohy tahaka an'izany izy, na izy ho lasa kavanana na izy ho lasa kavia, ary tsy ara-dalàna izany. Noho izany, amin'ny maha-tena mpampiofana iray, dia nasainy nanova tànana izy, na dia tsy tiany aza izany. Saingy, fantatry ny reniny izay tsara indrindra.

⁷⁸ Ary matetika, ny mpampiofana antsika, ny Fanahy Masina; miezaka manao an'ilay izy amin'ny fomba ratsy isika. Fa, indraindray dia mandratra antsika izany. Indraindray isika dia mety mandry eo amin'ny fandriam-pahoriana iray. Indraindray ny dokotera dia mety hilaza fa lasa ny fanantenana rehetra. Saingy, ny Fanahy Masina no mampianatra antsika hampiasa ny tànana ankavanana. Fantany izay tsara indrindra. Fantany hoe ahoana no itiavan'ny Ray hanaovana azy. Izy no mpampiofana. Ary nieritreritra aho . . .

⁷⁹ Joseph kely, tsy nety nampiasa an'ilay tànana izy, noho izany dia maninji-tànana ilay reny ka maka tsorakazo malemy, saiky tahaka an'izao ny halavany, ary nikapoka an'izany teo amin'ny ilany. Nijery ahy izy. Fa, kanefa, tiako amin'ny foko rehetra izy, ho faty maimaim-poana ho azy, saingy fantatro fa ny reny no mahafantatra ny tsara indrindra. Hoy aho hoe, "Mampiofana an'ilay zaza izy."

⁸⁰ Tsy afaka mitady fangorahana isika, ary mba hangorahana, be loatra. Tsy maintsy mihaino an'ilay fampiofanan-janaka an'ny Raintsika isika. Fantany izay tsara indrindra. Indraindray isika dia milaza, rehefa toriana ny Filazantsara hoe, "Oh, handeha any am-pianganako fotsiny aho, izy ireo tsy . . . Hia, hino an'Izany tahaka an'izao fotsiny aho." Hitanareo? Fa, tsarovy, ny Fanahy Masina no mahafantatra ny tsara indrindra. Fantany hoe ahoana no hanofanana anareo. Indraindray dia mikapoka an'ilay tsorakazo izy, manitsy anareo. [Nandondòna teo amin'ny polipitra Rahalahy Branham—Mpand.] Tsy maintsy mahatsiaro ianareo, fa Andriamanitra no nanao Azy ho ilay—ilay mpampiofan-janaka ho an'ilay Fianganana. Ary Tiany ilay Ray, ary hanondro mankany amin'ny Ray foana Izy.

⁸¹ Ary, ankehitriny, rehefa niofana ilay zaza, dia tsy midika izany fa ilay zaza . . . Azo antoka fa zanaky ny ray tokoa ny zaza

iray. Fa raha zaza tsy mankatò iray izy, dia hanana olana aminy foana ilay mpampiofana. Isan'andro, dia niditra sy nivoaka izy, ambony sy ambany. Eny, noho izany, dia tsy maintsy nentina tany amin'ilay ray io hafatra io, rehefa nitaky ilay ray. "Ahoana ny fivoaran'ny zanako?"

⁸² Amin'izay fotoana izay dia tsy maintsy hilaza izy hoe, "Tsy mandeha tsara izy." Eny, noho izany, mazava ho azy, fa nampalahelo ny fon'ilay ray izany.

⁸³ Ary izany ilay izy amin'izao andro izao, rehefa tsy maintsy manao ny tatitsika eo anatrehan'Andriamanitra ny Fanahy Masina. Rehefa lasa zanak'Andriamanitra isika, dia tokony handeha mendrika an'ilay fiantsoana. Tokony handeha mendrika ny zavatra rehetra izay napetrak'Andriamanitra hataontsika isika. Satria ny Fanahy Masina no mampiofana antsika, fampiofanan-jaza. Ianareo ve efa mba...

⁸⁴ Fony aho zazalahy iray, ny dadako dia samihafa amin'ny sasany amin'ireo ray moderina amin'izao andro izao. Nino ny fanomezana karavasy ny dadako, ary nanome azy ireny marina tokoa izy. Tsaroanay izy ireny. Ary izaho, dia mbola, androany, fito amby efapolo taona, mahatsiaro azy ireny. Fa nahasoa ahy izany. Nanofana ahy izany. Raha afaka handeha any am-pasana aho androany ka hanangana azy, ny zavatra voalohany ho nataoko dia ny nandray ny tànany sy namihina azy noho izay nataony.

⁸⁵ Raha tahaka an'izany no tsapako mikasika ny raiko eto an-tany, dia ho inona izany amin'io andro izay hijoroantsika ao amin'Ny Fanatrehany io? Rehefa, hitantsika ireo zavatra mitranga amintsika ho an'ny soa ho antsika, izay tsy maintsy Nandrantsanany kely antsika teto, ary nampiofan-jaza antsika, ka nanaisotra an'ireo zavatr'izao tontolo izao, sy namela antsika handeha tahaka ny zanaka manetry tena eo Anatrehany. Mety ho toa sarotra amin'ny voalohany, fa fantatr'Andriamanitra izay Ataony. Azo antoka. Fantany izay Ataony.

⁸⁶ Ary Izy, avy eo, rehefa manomboka mitondra ny Teny ny Fanahy Masina, amin'izay fotoana izay, raha tsy nankatò ilay zaza rehefa tonga eo amin'ny fahamatorana izy, ny taonan'ny fahamatorana, amin'izay fotoana izay, zanaka iray foana ilay zaza, izany tokoa, saingy nahavery zavatra iray izy.

⁸⁷ Ary eto no teboka tiako halentika. Enga anie ny Fanahy Masina hitondra an'izany ao am-ponareo mpino rehetra. Satria mpino iray fotsiny ianareo, dia manana Fiainana mandrakizay tokoa; Andriamanitra no niteny an'izany. Saingy te-hiditra fotsiny ve ianareo, araka ny nolazain'i Joba hoe, "Amin'ny hoditry ny nifinao"? Te-hanatona eo anatrehan'ny Ray fotsiny ve ianareo, ka ny talenta izay Nomeny ho an'ny tsirairay avy aminareo, satria manao tsirambina, dia tsy nampiassa an'izany fotsiny ianareo, na namela zavatra hafa nitsangana teo

amin'ny lalanareo? Namela an'ireo zavatra madinika kely izay tsy misy dikany aminareo ianareo, sady izay koa, fifamaliana kely, sy korontana, sy adi-hevitra, ary ireo fahasamihafan'ny fiangonana, hanala ny fahamoram-panahy sy ny fahalemem-panahy tamin'ny fiainanareo. Te-hijoro eo anatrehan'ny Ray tahaka an'izany ve ianareo? Tsy mino aho fa ho tia ianareo. Tsy mino aho fa hanao an'izany ianareo. Na izaho koa aza.

⁸⁸ Toy ny ahoana no itiavako Azy hilaza hoe, "Tsara izany." Tsy amin'ny hoditry ny nifiko; fa, "Tsara izany, ry Mpanompoko tsara sady mahatoky. Midira ao amin'ny fifalian'ny Tompo, satria nanao tsara tamin'izay tokony nataonao ianao."

⁸⁹ Angamba mpikarakara tokantrano iray ianareo. Raha izany ianareo, dia Andriamanitra no nanao anareo ho mpampianatra iray an'ny zanakareo. Manaova asa tsara amin'izany. Na inona na inona tokony hataonareo, dia atao vy tsara izany.

⁹⁰ Mariho, arak'izany, fa raha nanaporofo ho tena mendrika an'ireo zavatra izay nananan'ilay ray teo amin'ny fanjakany ilay zaza, ary tena zaza mahatoky iray, amin'izay fotoana izay dia hitondra hafatra nankany amin'ny ray ilay mpitaiza hoe, "Oh, ny zanakao..."

⁹¹ Oh, ankehitriny, izany no hafatra tiako ho Entiny ho ahy sy anareo. "Oh, ny Zanakao, ny eritreriny manontolo dia Aminao. Ny rehetra izay ezahany atao dia ny hahafaly Anao. Tena liana amin'ny Raharahanao izy, hany ka sarotra ny mitazona azy."

⁹² Aleoko be zotom-po tafahoatra kely fotsiny mikasika ny Fanjakan'ny Ray toy izay tsy manana zotom-po mihitsy, ho an'Izany. Aleoko miasa be loatra. Ary araka ny notenenin'ny mpitoky tenin'ny Fianganan'i Kristy tamiko, fotoana vitsy lasa izay hoe, "Atoa. Branham, aleoko—aleoko trotraka toy izay harafesina." Ary fahamarinana betsaka izany. Aleoko trotraka, "ary maty tao anatin'ny lamboridy," araka ny nolazain-dRahalahy Neville, toy izay mandà tsy hanao an'ilay lamboridy. Tsy afaka manao ratsy indrindra noho ny manao tsirambina mba hanandrana ianareo. Ndao isika hanao an'izay rehetra vitantsika amin'izay tokony hataonareo. Ary ny Fanahy Masina, ny Mpitaiza antsika, no hitondra an'izany mankany amin'ny Ray.

⁹³ Ary ankehitriny, mariho, raha lasa zaza be herim-po iray ilay zaza, amin'izay fotoana izay dia notenenina tamin'ilay ray izany. Ary amin'ny... Oh, tiako fotsiny ny Teny! Tamin'ny fotoana voatondro, voapetrak'ilay ray irery ihany, ilay zaza dia... naseho teo anatrehan'ny besinimaro ny voninahiny sy ny hajany. Nentin'ilay ray ny zanany manokana, teo ambanin'ny fankalazana iray, ary nentiny teo amin'ny toeram-bahoaka izy. Taorian'ny azy... Satria zanany manokana, teraka tao antranony manokana, kanefa, ny zanakalahy dia napetraka ara-

toerana tao amin'ny fianakaviana, mba handova an'ireo zavatra rehetra nananan'ilay ray. Hitanareo ve ilay izy?

⁹⁴ Ankehitriny, raha ho tsara fitondran-tena isika, amin'ny andro iray be voninahitra dia ho mpandova an'ireo zavatra rehetra isika. Andriamanitra, amin'ny Androny voatondro, izay Hitsarany ny olona rehetra amin'ny alàlan'i Kristy Jesosy. Ho avy ny fotoana hanomezan'Andriamanitra valisoa ho an'ireo izay nahatoky, ary fandàvana ho an'ireo diso tsy nahatoky.

⁹⁵ Talohan'ny nialan'ny Tompo Jesosy mihitsy... Andriamanitra tao Aminy; ny Voromailala mitarika ny Zanak'ondry. "Tsy tonga hanao ny Azy manokana Izy, fa hanao ny sitrapon'ny Ray izay naniraka Azy." Notarihin'ny Fanahy Izy, mba hitondra an'i Petera, Jakoba ary Jaona, ho any amin'io tendrombohitra avo be io. Tiako izany!

⁹⁶ Ary, teboka iray hafa, raha hamela ahy ianareo amin'ny fakàna fotoana betsaka, fa maniry aho ny hametraka eo anatrehan'ity mpanatrika ity izao maraina izao, hoe nanana dikany hafa iray an'izany ity. Rehefa avy niala an'ilay tendrombohitra ka nidina, dia napetraka ilay fanontaniana hoe, "Ataon'ny olona ho iza moa Aho ilay Zanak'olona? Iza? Inona no lazain'ny olona mikasika Ahy? Satria miaraka aminareo Aho, ary efa voaseho taminareo Aho, ankehitriny inona no lazain'ny olona mikasika Ahy ilay Zanak'olona?"

⁹⁷ Diniho ilay izy. Sary iray tsara tarehy toy ny inona an'izao andro izao! Rehefa avy nandray an'i Kristy ianareo, rehefa avynofenoina ny Fanahy ianareo, dia inona no lazain'ny olona mikasika anareo avy eo? Inona no lazain'ny olona, hoe rehefa hitan'izy ireo fa tena mihetsika ny fientanam-ponareo ka tsy afaka mihazona ny filaminanareo ianareo, hirotsaka amin'ny takolakareo ny ranomasom-pifaliana, rehefa tsy afaka mihazona ny tanganareo ianareo rehefa mihira ny hiran'i Ziona izy ireo; rehefa tsy afaka mihazona ny filaminanareo ianareo, rehefa mahita ny fahotana ianareo ka tsy maintsy miteny am-pilaminana sy moramora amin'izy ireo? Inona no lazain'ny olona mikasika an'izany? Inona no lazain'ny olona, hoe rehefa mandry ianareo, eo am-pahafatesana, ory, mahantara, ao amin'ny toerana iray eo am-pahafatesana, ka mangataka zanak'Andriamanitra iray ianareo hikambana aminareo amin'ny vavaka ho an'ny fahasitrananareo; ary miaiky ny fahadisoanareo ianareo ka mametraka an'ilay zavatra eo anatrehan'ny Ray, manao hoe, "Ray, mameùè ahy, ary ankehitriny aho dia manaiky an'i Kristy ho mpanasitrana ahy," ary lasa salama ianareo?

"Ataon'ny olona ho iza moa Aho ilay Zanak'olona?"

⁹⁸ Mijery eo amin'ny fanatrehan'olona aho, ary fantatro ny sasany aminareo; ory, taona maro lasa izay, teo am-pahafatesana tamin'ny homamiadana, ny dingana farany. Ny sasany aminareo tao amin'ny karazana vatana rehetra, endrika, jamba. Ary

Andriamanitra, nohon'ny Fahasoavany, dia nanasitrana anareo. Ary rehefa manome ny fijoroanareo vavolombelona mahery fo eo anatrehan'ny olona ianareo . . .

“Ataon’ny olona ho iza moa Aho ilay Zanak’olona . . .”?

⁹⁹ Inona no nolazain’izy ireo mikasika an’izany? Ahoana fa niova mihitsy aza ilay sary nanomboka tamin’io andro io, na dia maity tahaka azy aza! Hoy ny sasany hoe, “Fanatisma izany.” Ny sasany niantso Azy hoe, “Belzeboba.” Hoy ny sasany hoe, “Fifandraisana ara-tsaina izany.” Hoy ny sasany hoe, “Fientanentanana izany.” Hoy ny sasany hoe, “Fanatisma izany.” Hoy ny sasany hoe, “Ara-pientanam-po izany.”

¹⁰⁰ “Fa inona no lazainareo mikasika an’izany? Inona no lazaina mikasika an’io zavatra io?”

¹⁰¹ Mazàna i Petera mpirehidrehitra dia miteny tsy voahewitra, fa tsy niteny izy tamin’ity fotoana ity. Hoy izy hoe, “Ianao no Kristy, ilay Zanak’Andriamanitra velona. Tsy ahoako izay lazain’ny sasany amin’izy ireo. Izany no fantatro. Ianao no Kristy, ilay Zanak’Andriamanitra velona.”

¹⁰² Henoy. Afaka nandany fotoana betsaka eo isika. Fa ndao isika hanohy. Hoy Jesosy hoe, “Sambatra . . .” Na dia mety manozona aza ny olona, na dia mety maneso aza ny olona. Mety milaza ny olona fa holy-roller iray ianareo. Mety miantso anareo amin’ny anarana rehetra eto ambanin’ny masoandro ny olona. Fa hoy Izy hoe, “Sambatra ianao, ry Simona Bar-jona. Ny rainao . . .”

¹⁰³ Ity ilay izy ankehitriny. Vonona ve ianareo? “Fa tsy nofo aman-drà no nanambara an’izany taminao. Tsy nianatra an’izany tamin’ny alàlan’ny seminera dogmatika mihitsy ianao. Tsy nianatra an’izany tamin’ny fanambaran’ny teolojian’ny olona iray koa ianao. Tsy nofo aman-drà no nanambara an’izany taminao, fa Ny Raiko izay any An-danitra no nanambara an’izany taminao.” Jereo hoe avy aiza ilay izy? Tamin’ny alàlan’ilay Mpitaiza, ny Fanahy Masina, no nanambara an’izany tamin’ny alàlan’ny fanambarana.

¹⁰⁴ “Ary Lazaitko aminao, ianao no Petera, vatolampy kely. Izaho no Vatolampy lehibe. Izaho no Vato fehizoro, fa ianao no vatolampy kely napetraka teo Amboniko. Ireo Mpanorina no nifydny anao. Tsy nifydny ny tenanao mihitsy ianao. Ireo Mpanorina no nifydny anao. Ireo Anjelin’Andriamanitra, indray alina, niasa tao amin’ny fihadiam-bato, no niantso anao nivoaka, ary nanaiky Ahy ianao. Ary Norantsanako tamin’ny Fanaoko manokana ianao. Nataoko araka izay Tiako haha-izy anao ianao. Izaho no nanao ny fanatofana; ianao nipetraka tsara fotsiny. Ary efa nametraka anao toy ny vato kely Aho ankehitriny, mba hifanaraka amin’ny vato hafa iray, hitarika an’io vato io; ary ity vato ity no mitarika an’itsy vato itsy, itsy vato itsy. Ary ny simenitry ny fitiavana no mampitambatra anareo,

manao ny Fototra, izay Izaho, mba hitambatra miaraka amin'ny vato rehetra izay manambara Ny Anarako sy mandray an'ity fanambarana ity."

¹⁰⁵ “Ary eo ambonin’ity vatolampy ity, ny fanambaran’Andriamanitra, izay hipetraka tsara sy voarantsana, (ilay vato, amin’ny alàlan’ny fanambarana), no Hanorenako Ny Fiagonako, ka ny vavahadin’ny helo rehetra tsy haharesy Azy.” Maneho fa, azo antoka, hanohitra azy ireo ny vavahadin’ny helo rehetra, fa tsy haharesy mihitsy.

¹⁰⁶ Ary haka an’ity fotoana ity aho hilazana an’izao, ry sakaizako, hoe, ny Fiagonan’Andriamanitra velona manontolo dia miorina am-panajana eo ambonin’ny fanambarana ara-panahin’i Jesosy Kristy Tompo. Tsy mampaninona na nianatra toy ny ahoana ianareo, mety ho manan-tsaina toy ny ahoana ianareo, tsara toy ny ahoana no mety heverinareo fa ahafantaranareo ny Baiboly, Satana dia mahafantatra Azy tsara lavitra mihitsy noho ianareo. Fa amin’ny alàlan’ny fanambarana irery ihany, Andriamanitra amin’ny alàlan’ny Fanahy Masina, ny Mpitaiza anareo, no nanambara taminareo, hoe namonjy anareo tamin’ny alàlan’ny Fahasoavany Izy.

¹⁰⁷ Raha hanambara aminareo Izy izao maraina izao, amin’ny alàlan’ny fanambarana, hoe izao no fiafaran’ny fijalianareo, izao no fiafaran’ny aretinareo, ny devoly rehetra avy amin’ny fampijaliana dia tsy hanozongozona an’izany fototra izany mihitsy, na dia milaza aza ny dokotera rehetra fa diso izany. “Fa eo ambonin’ity vatolampy ity no Hanorenako Ny Fiagonako, ka ny vavahadin’ny helo tsy haharesy Azy.”

¹⁰⁸ Na dia hanohitra azy aza izy, kanefa tsy haharesy izy. “Fa rehefa tonga tahaka ny tondra-drano ny fahavalao, dia hanangana faneva hanohitra azy ny Fanahin’Andriamanitra,” isan’andro. Hitancareo ve izany? Azonareo ve izany? Ankehitriny, Jesosy, satria voaseho tamin’ireo mpianatra.

¹⁰⁹ Jereo tao amin’ny sahan’i Edena, rehefa nitondra fanatitra tao amin’ny fanompoana i Kaina, tahaka ny nataon’i Abela ihany. Nivavaka izy. Nandoa vola tany am-piagongana izy. Nanao fanatitra izy. Nanao ny asa ara-pivavahana rehetra izy, namiratra kokoa, tsaratsara kokoa, mendrika kokoa, noho ny nataon’i Abela. Nanorina alitara tsaratsara kokoa izy. Nataony tsara tarehy izany. Nasiandy famiratana ny fivavahany. Hitancareo ve fa mbola miasa eo amin’ireo zanak’i Adama foana io fisintonana io? Nasiandy famiratana izany, tamin’ireo voankazon’ny saha, sy ny lisy goavana. Ary izy, tsy izany ihany, fa nivavaka izy. “Misy lèlana izay ataon’ny olona ho mahitsy.” Fa, ny nataony, dia nivavaka tamin’ny alàlan’ny fahalalana izy. Tsy nivavaka tamin’ny alàlan’ny fanambarana izy.

¹¹⁰ Ary azo atao izany. Raiso izany ankehitriny. Henoy. Afaka mivavaka amin’ny alàlan’ny fahalalana ianareo. Afaka mandeha

any am-piagonana ianareo, amin'ny alàlan'ny fahalalana fa tokony hataonareo izany. Fa ny fandehanana any am-piagonana, izany fomba izany, dia mivavaka foana. Fa rehefa misy zavatra mitranga ao am-ponareo, izany no manao anareo ho tia an'Andriamanitra, amin'ny fomba iray izay tsy ahafahanareo mijanona lavitra ny fiangonana, izany no fanambarana, Andriamanitra manambara.

¹¹¹ Tsy nanana Baiboly izy ireo tamin'izany. Tsy nanana taratasy na takelaka hiasana akory aza izy ireo. Tsy nanana sekolimpantanabeazana izy ireo. Noho izany, Abela, tamin'ny alàlan'ny fanambarana, voambara taminy tamin'ny alàlan'Andriamanitra izany, hoe, "Tsy hatsaran-tarehy, na voankazon'ny saha koa, na paoma, no nandroaka azy ireo avy tao amin'ny sahan'i Edena, fa rà izany." Ary voambara taminy izany, ka lasa izy ary naka zanak'ondry iray. Tamin'ny alàlan'ny fanambarana, no nahitany mialoha ny Fihavian'ilay Zanak'ondry Marina. Ary voambara taminy izany, noho izany dia naka zanak'ondry iray izy. Ary tamin'ny alàlan'ny fanambarana iray, dia nanolotra an'izany ho an'Andriamanitra, ary nekena. Ilay Fiangonana manontolo dia miorina eo ambonin'ny fanambarana ara-panahy. Tsara tarehy toy ny ahoana!

¹¹² Ankehitriny, tonga eo amin'ny famaranana. Teny antendrombohitra izy ireo. Ary taorian'ny naha-Zanaka mpankatò an'i Jesosy; ilay nofo, ilay Zanak'ondry, dia notarihin'ny Fanahy Masina, Andriamanitra nihetsika tao Aminy. "Tsy tonga hanao ny Sitrapoko Aho, fa ny sitrapon'Izay naniraka Ahy. Ary ilay Anankiray izay naniraka Ahy, ny Ray izay naniraka Ahy, dia miaraka Amiko. Ary tahaka ny nanirahan'ny Ray Ahy, sy nandeha niaraka Tamiko, no Anirahako anareo koa." Tsy naniraka fotsiny Izy, fa nandeha niaraka Taminy Izy.

¹¹³ Ary Andriamanitra dia tsy mampianatra olona fotsiny ka maniraka azy miaraka amin'ny fanambaran'ny traikefan'ny seminera iray. Fa, raha nampitaovana izy, dia miaraka aminy Andriamanitra. "Homba anareo Aho, ho ao anatinareo mihitsy aza, hatramin'ny fahataperan'izao tontolo izao."

¹¹⁴ Mariho, tsara tarehy, oh, toy ny ahoana no tena andehanan'ny Teny miaraka! Ahoana fa ny Fanahy Masina no manisy simenitra an'Izany ao am-pon'ny olona, amin'ny alàlan'ny fanambarana sy ny fitiavan'ny Tompo Jesosy. Diniho tsara.

¹¹⁵ Eo, aorian'ny fankatoavana, "amin'ny vavan'ny vavolombelona roa na telo," ny vavolombelona tsara indrindra izay nitsangana teto an-tany. Fitiavana... Petera, Jakoba, ary Jaona; fanantenana, finoana, fitiavana. Teo ambanin'ny vavolombelon'ny fanantenana, teo ambanin'ny vavolombelon'ny finoana, teo ambanin'ny vavolombelon'ny fitiavana; no nametrahan'Andriamanitra Ny Zanany, ara-toerana, teo imasom-bahoaka, tamin'ireo fanehoana telo lehibe indrindra

(fanantenana, finoana ary fitiavana) izay hany ho fantatr'izao tontolo izao.

¹¹⁶ Ary, teo, rehefa namoaka ny zanany ilay ray tamin'ny andro fahiny ka nametraka akanjo lava iray teo aminy, ary nanao lanonana iray, ary taorian'izany dia tsara tahaka ny an'ilay ray mihitsy ny anaran'ilay zanaka. Ilay zanaka no nandova ny zavatra rehetra.

¹¹⁷ Ary nentin'Andriamanitra teo an-tendrombohitra fiovan-tarehy i Kristy, tao amin'ny vavolombelon'ny fanantenana, finoana, ary fitiavana, ka nanaloka Azy tamin'ny Rahona iray. Ary hoy ny Baiboly hoe, "Namirapiratra tahaka ny masoandro ny Fitafiany. Ary Feo iray avy tany An-danitra, no nanao hoe, 'Ity no Zanako Malalako.'"

¹¹⁸ Ankehitriny, nientantentana tanteraka i Petera, toy ny mahazatra. Lehilahy iray tena be zotom-po izy. Ary maniry aho mba ho be zotom-po isika rehetra; imbetsaka ianareo no afaka miteny zavatra tsara amin'ny asanareo be zotom-po. Fa nafana fo tanteraka i Petera rehefa hitany marina tokoa izay nitranga. Hamela azy banana fijoroana vavolombelona iray fotsiny Andriamanitra afaka kelikely, rehefa nidina izy ireo. Fa rehefa nahita izy, nitsangana... Nisy telo teto: fanantenana, finoana, ary fitiavana. Ary nisy telo nitsangana teo an-tendrombohitra: Petera, Jakoba, ary Jaona, *eto*. Mosesy, Elia, ary Kristy, nitsangana *teto*, ho fanamarinana an'ireto telo eto ireto. Ankehitriny, njery izy ireo. Nitsangana teo i Mosesy, voalahany; nitsangana manaraka i Elia, mpaminany.

¹¹⁹ Ary manontany antsika ny olona sasany hoe, "Hifankahafantatra ve isika rehefa tonga any?" Nefa, Elia sy Mosesy dia efa lasa, an-jato taonany maro. Tsy hoe hifankahafantatra fotsiny ihany isika, fa hahafantatra an'ireo izay mbola tsy hitantsika mihitsy isika. Petera, Jakoba ary Jaona, dia tsy mbola nahita an'i Mosesy mihitsy, kanefa nahafantatra azy ireo tao anatin'ny indray mipi-maso, rehefa nitsangana teo ambanin'ny Aloky ny Tsitoha izy ireo. Ho inona izany rehefa mitsangana Any isika? Hahafantatra an'i Sankey aho rehefa mahita azy. Hahafantatra ny feony aho, na dia mbola tsy nandre azy mihitsy aza. Hahafantatra an'i Wesley aho. Hahafantatra an'i Moody aho, Calvin, Knox. Ho fantatsika izy rehetra ireo rehefa tonga any isika. Hitafy endrika hafa iray noho izay maha-izy antsika ankehitriny isika. Ho ao anatin'ny vonjimaika iray isika...na-na, ao anatin'ny toerana nomem-boninahitra iray. Izany i Petera, Jakoba, ary Jaona. Noho izany, ao amin'io sary mialoha io, raha afaka nahafantatra olona izy ireo, tsy nisy fiambahambana, izay tsy mbola hitan'izy ireo mihitsy na nahita ny sariny, izay efa lasa an-jato taonany; fa, tao amin'ny sary mialoha iray, dia afaka, tao anatin'ny fotoana fohy nahafantatra azy ireo, tsy nisy fisalasalana; dia ho inona izany rehefa omem-boninahitra isika, mitsangana ao

amin'Ny Fanatrehany? Hifankahafantatra ve isika? Azo antoka. Hahafantatra ny olona rehetra isika. Hipetraka eo amintsika ny tsy manam-petra kely, tahaka an'Andriamanitra tsy manam-petra.

Mariho. Tsy maintsy mamarana aho. Raha njery izy ireo, ary i Petera . . .

¹²⁰ Araka ny nolazain'ny mpianatra seminera tena tsara iray hoe, "Fantatralo, mino aho fa marina ny fiangonana rehetra. Raha ortodoksa ianao amin'ny finoanao, dia tsy maninona izany, noho izany dia hanana an'ireo Mohometana sy ireo Bouddah fotsiny isika, ary hanana azy rehetra ireo miaraka."

¹²¹ Hoy Petera hoe, "Tsara ho antsika ny ho eto, ka ndao isika hanorina tabernakely telo ankehitriny. Hanorina seminera iray eto isika ho an'i Mosesy. Hanorina seminera iray ho an'i Elia isika. Ka izay rehetra te-hivavaka eo ambanin'ny lalàna, sy ny sisa, dia aoka izy ireo hivavaka." Ary mahamarika isika ankehitriny. Nijery izy ireo, ary Petera sy izy ireo, nandinika an'i Mosesy. Mosesy no naneho ny lalàna.

¹²² Nomen'Andriamanitra lalàna ny zanak'Isiraelly satria nila ny lalàna izy ireo. Tsy tian'Andriamanitra banana an'izany izy ireo. Izany no safidin'ny olona. Ao amin'ny Eksodosy 19, hoy izy ireo hoe, "Omenao zavatra hatao izahay, mba ho mendrika ny famonjena anay. Hitandrina lalàna iray izahay, raha Homenao anay izany," amin'ny teny hafa. Fa, tsy izany mihitsy no drafitr'Andriamanitra.

¹²³ Tsaratsara kokoa ny mijanona fotsiny tsy manao drafitra, samirery, fa mampiasa fotsiny ny Drafiny. Hitako fa mora kokoa izany, ny mandray ny Drafiny.

¹²⁴ Nitsangana teo i Mosesy, ny lalàna. Hoy Petera hoe, "Eny, mitandrina ny lalàna ny sasany amintsika." Ankehitriny, tsy misy nofo hamarinin'ny lalàna.

¹²⁵ Noho izany, manaraka, rehefa avy nitsangana teo ny lalàn'Andriamanitra; ny nanaraka, nitsangana, dia i Elia. Tahaka an'izany no nahatongavan'izy ireo, araka ny filaharana ara-isa. Ny nanaraka, nitsangana, dia i Elia, izay tonga taorian'i Mosesy. Ary i Elia dia naneho ny fitsaran'Andriamanitra, ireo mpaminany. Ary i Elia dia naneho ny Fitsarany, hany ka namoaka afo avy tany an-danitra i Elia ka namono an'ireo dimampolo. Ary naneho ny fitsaran'Andriamanitra izy.

Noho izany, dia nila ny lalàn'Andriamanitra sy ny fitsaran'Andriamanitra i Petera.

¹²⁶ Tsy misy olona azo vonjena amin'ny alàlan'ny lalàna. Ary raha tsy mahomby ianareo, mandika ny lalàna, dia zavatra iray ihany no tavela, ary ny fahafatesana izany. Izany no fitsaran'Andriamanitra. Andriamanitra—mitaky an'izany

Andriamanitra. Ny Lalàny marina dia tsy maintsy ho . . . manana fitsarana.

¹²⁷ Koa, noho izany, raha mbola niteny i Petera, te-hanorina ny tabernakeliny, ka nangataka tamin'Andriamanitra raha afaka manao an'izany izy, tamin'izay fotoana izay dia nitodika izy ka tsy nahita afa-tsy Jesosy irery ihany.

¹²⁸ Tsy nahomby ny lalàna. Ndao isika, izao maraina izao, hanala ny masontsika amin'ny fanamarinan-tena, na zavatra izay efa nataontsika. Tsy mitaky lalàna aho. Tsy afaka ho tsaraina amin'ny lalàna aho, satria tsy manana lalàna. Tsy nisy olona nitandrina ny lalàna. Tsy afaka nitandrina ny lalàna izy ireo.

¹²⁹ Ary tsy afaka mamonjy ny tenanareo koa ianareo. Tsy afaka manasitrana ny tenanareo koa ianareo. Ary raha ny lalàna, amin'ny alàlan'ny sitraponareo manokana nataon'olona, te-hanao an'izany ao amin'ilay drafitra ianareo, amin'izay fotoana izay dia zavatra iray ihany no takian'ny lalàna, raha tsy mahomby ianareo, ny fitsarana izany. Ary, ny fitsarana, dia ny hohelohina ary ho faty mandrakizay. Mitaky fandringanana tanteraka izany. Satria, izay mandika teboka anankiray amin'ny lalàna dia meloka amin'ny lalàna rehetra. Noho izany, tsy maintsy maty ianareo, fa Andriamanitra . . . rehefa mijery ny lalàn'Andriamanitra isika, ary mijery ny fitsaran'Andriamanitra.

¹³⁰ Ndao isika hanodina ny masontsika amin'ny fomba hafa. Mijere *eto*. Nijoro teo Jesosy, maneho ny fitiavan'Andriamanitra. Tsy lalàna, tsy fitsarana, fa tao Aminy no tanteraka ny fahafenoan'ny lalàna sy ny fitsarana. "Ity no Zanako Malalako." Tsy misy zavatra nataon'ny tena intsony. Henoy ny mpitaiza anareo. Izany no antony nahafahan'i Petera nilaza hoe, "Ianao no Kristy, ilay Zanak'Andriamanitra velona." Ny lalàna sy ny rariny dia tanteraka tao amin'i Kristy, ary izany dia ny fitiavan'Andriamanitra ho an'ny taranak'olombelona. Fitiavan'Andriamanitra! "Toy izao no nitiavan'Andriamanitra an'izao tontolo izao!"

¹³¹ Andriamanitra mpamindra fo, izao maraina izao, raha mitalaho ho an'ity mpanatrika ity aho, tsy mitaky lalàna izahay, tsy mangataka lalàna izahay. Tsy te-ho tsaraina araka ny fahamendrehan'izy ireo manokana izahay. Tsy mila ny Fitsaranao aho, Tompo. Tsia, tsy ny Fitsaranao ho tonga eo amiko; tsia mihitsy, Tompo. Fa, miangavy ny Famindramponao aho.

¹³² Hoy Izy hoe, "Henoy Izy." Nahoana aho no tokony hihaino Azy? Izy irery ihany no manana famonjena. Maria, Josefa, ary ny olo-masina hafa rehetra dia olona malaza, fa Izy irery ihany. "Henoy Izy." Izy no mpanelanelana tokana. Izy no hany

mpanelanelana tokana eo amin'Andriamanitra sy ny olona, dia i Kristy Jesosy.

¹³³ Nahoana aho no mihaino Azy? Tsy afaka nanome ahy fiadanana ny lalàna; Izy no afaka. Tsy afaka nitondra na inona na inona ho ahy ny fitsarana, fanamelohana fotosiny ihany. Izy no manome ahy fiadanana sy fampihavanana. Ny lalàna dia afaka manameloka ahy, satria, raha marary aho, dia afaka mitaky ny hananako azy roa ny lalàna, ireo lalàn'ny natiora sy ny fitsaran'Andriamanitra, dia ampiharina eo amiko, ka tsy maintsy mandoa ny sazy aho. Fa manodina ny fitiavako sy ny masoko aho, izao maraina izao, miala amin'ny lalàna sy ny fitsarana, ka mijery ny fitiavan'Andriamanitra izay nampihavana ahy Taminy indray, tamin'ny alàlan'ny fahasoavana, fa tsy tamin'ny alàlan'ny lalàna sy tamin'ny alàlan'ny fitsarana. Fa, tamin'ny alàlan'ny fampihavanana, no Nandoavany ny vidiny mba hitondra ny olona sy Andriamanitra miaraka, mba hanao azy ireo ho iray.

¹³⁴ Tany Soisa tany, vao tsy ela akory izay... Raha mamarana amin'ity fanamarihana ity aho. Maro aminareo ankizy any am-pianarana, ataoko fa mbola manana an'izany foana ianareo, ny tantara fahiny iray izay tsy tokony ho faty mihitsy. Na dia, mihalefy aza izany amin'izao andro izao, ato amin'ny firenentsika, saingy tsy ho lefy mihitsy izany any Soisa izay nitrangany. Tsaroanareo ve ao amin'ny sekolinareo, ao amin'ny mpamakinareo, ny amin'i Arnold von Winkelried, ilay mahery fo lehibe an'i Soisa? Afaka manonona ny anarany ianareo, androany, any amin'ny Swiss Alps, ka hiova loko ny tarehin'izy ireo ary hikoriana eo amin'ny takolany ireo ranomaso. Taona maro lasa izay...

¹³⁵ Vahoaka tia fihavanana ireo Soisa. Alemana izy ireo izay, tamin'ireo taonjato voalohany, nidina tany an-tendrombohitra izay tsy nisy akora na inona na inona. Fa izy ireo dia nividys... Manana ny fahaizan'ireo Alemana izy ireo. Mihevitra ireo Alemana fa izy dia firazanana ambony iray, marina izany, fa miezaka mamorona basy iray na baomba iray izy izay handresy an'izao tontolo rehetra izao amin'ny fahaizany. Fa olona tia fihavanana ireo Soisa. Midina izy ka manao ho azy ny... maka fitaovana ho azy, ary manamboatra famantaranandro iray ho an'ny mpiara-monina aminy, ary miaina am-piadanana.

¹³⁶ Avy eo, tany amin'ireo tendrombohitra avon'i Soisa, taona maro lasa izay, rehefa nametraka izy ireo ny—ny fanjakany, na ny governemantany no tiako lazaina, dia tsy firenena miaramila iray izy ireo. Firenena tia fihavanana izy ireo.

¹³⁷ Ary indray andro, rehefa tonga teo amin'ny taniny ireo mpanafika ka nandrava an'izay rehetra nananan'izy ireo; na inona na inona, na inona na inona, tsy mampaninona izay naorin'izy ireo. Nanakodia vato teny an-tendrombohitra

izy ireo, fa tsy nanelingelina azy ireo mihitsy izany. Ary nampihemotra ny tafika Soisa tao amin'ny saha iray teo ambanin'ny tendrombohitra izy ireo.

¹³⁸ Ary tena tsara tarehy izany any Soisa, ahoana no nandinihako azy ireo, ahoana no iompiant'izy ireo; ary amin'ireo tany ambany; ary ny manaraka dia ny biby fiompy, ary avy eo lavidavitra teny ambonin'ilay tendrombohitra dia ny ondry, ary eny amin'ny tampony no nisy an'izay niompiant'izy ireo ny osiny.

¹³⁹ Ary ahoana fa nanana an'ilay hira izay esoin'ireo mody antsoina ho mpihira Amerikanan'i Hollywood izy ireo, tsy mitaha amin'izany mihitsy. Ahoana fa nitsoka ny anjombony izy ireo rehefa trathy ny olana, ka, ary miaraka mihazakazaka ny mpiara-monina rehetra mba hanampy rehefa nisy ilaina. Ary ankehitriny isika dia mampiasa an'izany ho tarika jazz iray, rock-and-roll. Oh, izany dia tahaka ny... Fahalotoana toy ny ahoana!

¹⁴⁰ Henoy, ry sakaiza. Hanao ny fanamarihan'ilay mpikarakara ahy aho: "Raha tsy mandefa tsy ho ela ny fitsarana amin'ity taranak'olona mpijangajanga ity Andriamanitra, dia tsy maintsy hanangana an'i Sodoma sy Gomora Izzy, ka hiala tsiny nohon'ny nandorana azy ireo." Marina izany. Izany tokoa. Marina Izzy, ary tsy misy na inona na inona hafa azo atao fa Andriamanitra no tsy maintsy manao an'izany. Ary raha mbola mihazona ny Sandriny misokatra ny famindrampo, dia mandosira mankany Aminy.

¹⁴¹ Ary teo, teo an-tendrombohitra, izay nisy an'ity tafika kely ity nitondra fiadiana tamin'izay nety hitan'izy ireo, ampinga, sy tsorakazo, sy lelan-ts sofa, ary inona koa no nananan'izy ireo, ary fitrebika. Nihemotra, tonga tahaka ny rindrim-biriky mafy iray fotsiny ilay tafika vahiny lehibe. Lehilahy voaofana izy rehetra, ary lefona lehibe, ka nandroso izy ireo, nanakaiky, nampihemotra an'ity tafika Soisa kely ity teo amin'ilay tendrombohitra. Tsy nanana fanantenana izy ireo. Mainty sy maizina daholo ny zavatra rehetra nandraman'izy ireo, ary tsy nisy na inona afaka namonjy azy ireo.

¹⁴² Afaka kelikely, avy teo afovoan'izy ireo, dia tonga ny hiakiakin'ny anankiray, Arnold von Winkelried. Dia nivoaka izy, ka hoy izy hoe, "Ry rahalahy, maty ho an'i Soisa sy ho an'ny fahafahany aho androany." Hoy izy hoe, "Tiantsika ny tanindrazantsika sy izay niadian'ireo razantsika, ary izay nokasain'ireo razantsika hananantsika. Ary, androany, dia tandindomin-doza ny toe-karentsika lehibe. Ary atolotro maimaim-poana ho an'i Soisa ny aiko androany." Hoy izy hoe, "Any, ao ambadiky ny tendrombohitra, no misy ny tranoko maha-te-ho tia, sy ny vady malalako, ary ireo zanako kely, manantena ahy hiverina. Fa," hoy izy, "tsy hahita azy

ireo intsony indray aho eto amin'ity tany ity." Hoy izy hoe, "Androany, dia ho faty ho an'i Soisa aho." Izy . . .

Hoy izy ireo hoe, "Inona no hataonao, ry Arnold von Winkelried?"

¹⁴³ Hoy izy hoe, "Manaraha ahy. Hopotehiko ny laharan'ilay tafika. Hopotehiko ny miaramilany. Ary amin'izay fotoana izay dia alaivo izay rehetra anananareo, ka miadia arak'izay tsara indrindra vitanareo. Tahaka ny lehilahin'ny ady, dia miadia amin'izay anananareo, ny tsara indrindra izay vitanareo."

¹⁴⁴ Dia nanatsotra ny sandriny izy, ary njery manodidina teo amin'izay nihavian'ireo lefona tena mavesatra indrindra izy, raha nandroso. Dia nanatsotra ny sandriny izy ka niantsoantso hoe, "Manaova lalana ho an'ny fahafahana!" Ary nihazakazaka nankany amin'ireo rindrim-biriky nanatona izy. "Manaova lalana ho an'ny fahafahana!" nihiakiaka izy. Ary nihazakazaka nankany amin'ny lefona tena matevina indrindra izy, ary natsotrany nanodidina an'ireo lefona ny sandriny, dia nangonimy teo amin'ny tratrany ka maty. Ary ireo lehilahy Soisa, raha nanaraka azy izy ireo, niaraka tamin'izay nananany. Nahatonga tena fahatairana iray izany, hany ka nandrava ny laharan'izy ireo izany. Niala tamin'ny toerana ny lehilahy rehetra; tsy fantatr'izy ireo izay hatao. Ary nihazakazaka ireo Soisa ka nahazo fandresena, ary tsy nanana ady intsony i Soisa hatramin'io. Ho tsaroana ela izany any Soisa, raha mbola misy Soisa iray foana, ho tsaroana i Arnold von Winkelried.

¹⁴⁵ Fa, mahery fo iray mahafinaritra izany, hitanareo, tsy mbola nampitahaina mihitsy, saingy zavatra kely iray izany, zavatra kely iray fotsiny, amin'ny andro iray rehefa ireo zanak'i Adama . . .

¹⁴⁶ Rehefa tsy nahomby ny lalàna, ary rehefa tsy nahomby ny fitsaran'ireo mpaminany; izay nampalemy ny lalàna ka tsy afaka namonjy, tamin'ny alàlan'ny fanatitra zanak'ondry. Tsy afaka niverina ny ràm-biby sy ny fanahim-biby. Tsy nahomby izany. Nahafantatra tsara kokoa noho izany i Satana. Ary rehefa ny fitsaran'Andriamanitra, anefa, nampidina ny afo sy nandoro an'ireo dimampolo, ary ireo fitsarana izay nomen'ireo mpaminany teto an-tany, dia nandroso nankany amin'ny fahaverezana tsy ankitsahatra ny olona. Lasa ny fanantenana rehetra. Nandefa ny lalàna Andriamanitra, nandefa an'ireo mpaminany Andriamanitra; ary tsy nahomby izy rehetra. Lasa ny fanantenana rehetra, ho an'ny taranak'olombelona.

¹⁴⁷ Indray andro, teo afovoan'ireo faritry ny Voninahitra, dia nivoaka ilay Zanak'Andriamanitra. Hoy Izy hoe, "Anio, dia handeha Aho ka hanafaka an'ireo zanak'i Adama." Ary rehefa nitsangana teo Izy, rehefa ny fanantenana rehetra . . .

¹⁴⁸ Hametraka aretina eo amintsika ny devoly, hametraka fahotana eo amintsika izy, ary tsy maintsy nandray an'izany

isika; nitaky an'izany ny fitsaran'ny lalàna. Ary raha tsy nahomby tamin'ny fandraisana ny lalàna isika, izay nahameloka antsika rehetra tamin'ny lalàna, dia ny fitsarana irery ihany no hampiharina. Tsy nisy lèlana ivoahana; tsy nisy na inona na inona azontsika natao.

¹⁴⁹ Fa nandroso Izy. Hoy ilay Anjely hoe, “Inona no Hataonao?” Nandeha teto an-tany Izy.

¹⁵⁰ Ary hoy Izy hoe, “Ankehitriny ianareo, ny tsirairay avy aminareo zanak'i Adama, raiso izay Omeko anareo mba hiadiana, ary miadia arak'izay vitanareo, ny tsara indrindra izay vitanareo.”

¹⁵¹ Ary tsy nitady toerana malemy mihitsy Izy, tamin'ny alàlan'ny teolojia, na ny fanorenana seminera koa, na ny fananganana fiangonana; fa nandeha tany amin'izay nisy an'ireo lefona navesatra indrindra Izy, tany amin'ny lohasaha aloky ny fahafatesana. Ary nanangona ny fahafatesana sy ny aretina Izy, tamin'ny Sandriny, ho eo an-Tratrany. Ary namerina ny Fanahy Masina tamin'ny Andron'ny Pentekosta, hapetraka eo an-fanantsika, ary mitaky ny zanak'i Adama tsirairay mba hiady arak'izay vitantsika. Na dia ho esoina aza ianareo, na dia ho enjehina aza ianareo, na dia hantsoina hoe “holy-roller” aza ianareo, ny zavatra hafa rehetra; dia miadia amin'ny tsara indrindra izay vitanareo, satria azo antoka ny fandresena. Ary isaorana Andriamanitra, resy ny fahavaloo, rava ny miaramilany, ary ilay Kapiteny lehiben'ny famonjena antsika no mitarika, androany, amin'ny alàlan'ny batisan'ny Fanahy Masina.

¹⁵² Oh, ry zanakalahy sy zanakavavin'i Adama, nahoana ianareo no mipetraka eto mandra-pahafatinareo? Ndao isika hitsangana ka hanao zavatra. Ndao alaintsika izay ananantsika, raha tsy misy afa-tsy molotra mety maty iray izay mbola afaka mihetsika ilay izy. Ndao isika hanome dera ho an'Andriamanitra. Ndao isika hisaotra Azy nohon'ny famonjena antsika.

¹⁵³ Raha mpanota iray ianareo, dia tsy afaka miantso ny tenanareo hivoaka avy ao amin'ity fihadiam-baton'ity tany ity mihitsy, izay nisintonan'Andriamanitra anareo tamin'ny Filazantsara. Fa, mipetraha tsara ka avelao Andriamanitra hanatsofa anareo, mba hametraka anareo ao anatin'ilay Tranobe.

¹⁵⁴ Raha marary ianareo, dia tsarovy, Jesosy dia nandresy ny fahafatesana, ny helo, ny aretina, ny fasana, ary ny rehetra, rehefa maty ho anareo teo Kalvary Izy. Ndao isika haka an'izay ananantsika izao maraina izao, ary hiady amin'ny tsara indrindra amin'ny fahalalantsika.

¹⁵⁵ Raha manondrika ny lohantsika amin'ny tonom-bavaka iray isika; ary raha mangataka an'ilay anabavy aho mba ho avy ka hitendry ny piano, hira fiderana tsara iray. Raha isika rehetra . . .

¹⁵⁶ Ry vahoaka misaina, milamin-tsaina, ankasisitrahahanareo ve, izao maraina izao, ny fahafatesan'i Jesosy Tompontsika? Tsy hety ireo fiangonanareo, na dia, tsara arak'izay mety haha-izy azy aza. Tsy hahomby amin'alahelo ireo sekolinareo, na dia, tsara arak'izay mety haha-izy azy aza. Tsy hahomby amin'alahelo ny dokoteranareo, tsara arak'izay mety haha-izy azy. Fa, izao maraina izao, dia ndao isika hanodina ny fijerintsika, ndao isika hanodina ny masontsika avy amin'ireo lalàn'ny fiangonana sy anaram-piangonana, sy ny biraon'ny dokotera, ary na dia tsara arak'izay maha-izy azy aza izy ireo, ka ndao isika hihaino an'io Feo avy amin'ilay Aloka izay manaloka antsika io izao maraina izao hoe, "Ity no Zanako Malalako; henoy Izy."

¹⁵⁷ Ray any An-danitra Malala, satria afaka manatona ampanetre-tena ireo Kristiana, dia tonga amin'ny anaran'ny very sy manana ilaina izahay. Raiso ireo teny ireo, androany, ary, oh, ry Fanahy Masina izay mitarika an'ilay Fiangonana, mpitaiza ny Zanakao ho amin'Andriamanitra, androany. Maro no mety ho lavo teny amin'ny sisin-dàlana, ka tsy mahafantatra ny lâlan'Andriamanitra intsony. Efa maizina sy nohamaizinina izy ireo, lasa ny fanantenan'izy ireo, fa enga anie izy ireo hijery indray an'i Kalvary, izay Nakanao an'ireo zana-tsipika mirehitra an'ilay fahavalon'ny fahafatesana, fahavalon'ny aretina, fahavalon'ny alahelo, fahavalon'ny olombelona rehetra. Ary teo no Nametrahanao azy tao an-Tratranao, ka namakianao ny lâlana. Ary amin'ny alâlan'io aloka maizina io, izao maraina izao, no ahitanay ny Tranonay ao amin'ny Vonitorahitra.

¹⁵⁸ Araka ny nolazain'i von Winkelried hoe, "Ao ambadiky ny tendrombohitra dia misy trano iray, miandry ahy ho avy izy ireo, saingy tsy hahita ahy intsony."

¹⁵⁹ Fa, Jesosy, tsy niteny mihitsy Ianao hoe, "Tsy hahita Ahy intsony izy ireo." Hoy Ianao hoe, "Ao an-tranon'Ny Raiko misy fitoerana maro. Handeha Aho ka hanamboatra anankiray ho vonona, ary ho avy sy haka anareo, ary handray anareo ho an'ny Tenako." Toy ny ahoana no anajanay an'ilay fahafatesana mahery fo an'i Winkelried; nefo, mety maty iray izy, afaka ho faty fotsiny ihany izy ka namela tany aoriane. Fa tonga Ianao mba ho faty sy hanavotra, ary hitondra anay, tsy hiala amin'ireo malalanay, fa ho any amin'ireo malalanay; tsy hiala amin'ireo tranonay, fa ho any an-Tranonay. Ary mamaky lâlana manerana ny aizin'ny fahafatesana, mba ahafahanay mahita any ankoatry ny lamban'efitra izay itoeran'ireo fitahian'Andriamanitra.

¹⁶⁰ Ary ankehitriny, androany, Ray Malala, raha misy iray amin'ireo Zanakao izay Napoakanao tamin'ny Filazantsara, avy amin'ny fihadiam-baton'ny fiainana, ka irianao ny hanao azy ireny tahaka an'izany, ary nandrantsana azy ireo izao maraina izao, ary nikapa azy ireo, dia nanatsofa an'ireo fahazarany, sy ny fisainan-dratsiny, sy ireo fanaratsiany ary ny fiverenan-dàlany. Ary ankehitriny dia te-hametraka azy ireo indray Ianao, ary

hampifanaraka azy ireo ao amin'ilay Tranobe. Hiresaka amin'ny fon'izy ireo ve Ianao izao ankehitriny izao?

¹⁶¹ Ary raha mbola manondrika ny lohantsika isika, dia hisy zanaka iray ve eto, androany, izay nivily niala tamin'ilay lèlana, na mety tsy tonga teo amin'ilay lèlana mihitsy? Nefa tsapanareo, androany, fa te-ho tafiditra ianareo; te-ho vato iray sahaza ao amin'ilay Tranoben'Andriamanitra ianareo? Hanangana ny tènanareo amin'i Kristy ve ianareo, hanao hoe, "Kristy, rantsano ireo izao tontolo izao amiko."

¹⁶² Andriamanitra hitahy anao iry aoriana iry, ry lehilahy tanora. Andriamanitra hitahy anao, ramatoa. Andriamanitra hitahy anao, tompoko. Andriamanitra hitahy anao, ranabaviko. Andriamanitra hitahy anao. Olon-kafa iray?

¹⁶³ Ankehitriny miaraka amin'ny lohanareo miondrika, raha miandry ny Fanahy Masina isika, ka fantatrareo na diso an'Andriamanitra ianareo na tsia. Tsy nandeha ve ianareo rehefa nilaza ilay Mpandresinareo lehibe hoe, "Avia, manaraha Ahy. Ento ny hazo fijalianao, aoka handà ny tenanao, manaraha Ahy. Horavako ireo laharan'ny fahavalo. Horavako ireo laharan'ny fahotana. Horavako ireo laharan'ny aretina. Ary manaraha Ahy ianao ka miadia amin'ny tsara indrindra izay vitanao, satria hanao lavaka iray eo amin'izany Aho, ary hotehirizina ho amin'ny Fiainana Mandrakizay ireo tranontsika."

¹⁶⁴ Vahiny iray lavitra an'Andriamanitra ve ianareo? Atsangano fotsiny ny tènanareo, iray... Andriamanitra hitahy anao, ry tovolahy kely. Olon-kafa iray izay tsy mbola nanangana ny tènany mihitsy, fa nanangana ny tènany. Manaova hoe, "Tsarovy aho, Rahalahy Branham, androany. Te-hanatona an'i Kristy aho ankehitriny. Izaho..." Andriamanitra hitahy anao, ranabavy.

¹⁶⁵ "Te-hanatona an'i Kristy aho ankehitriny, hotapahin'ny Miliny. Nisy zavatra nikasika ny foko izao maraina izao. Nohozongozonina aho, tao anatiko tao. Efa napetraka teto tanteraka niaraka tamin'ny fahazaran'izao tontolo izao aho, ny loto sy ny fotaka teto an-tany no nampiseho...nanarona ahy tanteraka. Fa ny Filazantsara, androany, dia nampiseho ahy, ary mijoro ho meloka eo anatrehan'Andriamanitra aho, ary fantatrala izany. Ary tiako hitondra ahy tahaka ny vato iray Andriamanitra, androany, ka handrantsana ahy, sy hanome ahy fanekena an'ny Tompo Jesosy sy ny Fanahy Masina, ary hametraka ahy amin'Ny Fanjakany. Te-ho voaseho aho androany. Rehefa voaseho aho, dia te-ho voatsofa ka hapetraka ao amin'Ny Fanjakany." Hanangana ny tènanareo Aminy ve ianareo, alohan'ny hanaovantsika vavaka ho an'ny—ny mpanota? Eny àry.

¹⁶⁶ Misy tènana efatra na dimy efa nitsangana. Hivavaka ho anareo aho. Ankehitriny isika dia tsy manana, angamba, fomba hanaovana antso eny amin'ny alitara, angamba raha

hiandry fotoana fohy fotsiny ianareo. Izaho dia handeha... Rehefa avy mivavaka ho an'ny marary, dia tiako ianareo ho eto, ihany koa. Fa hivavaka ho anareo aho ankehitriny, mba haneken'Andriamanitra zavatra manokana ho anareo amin'izao fotoana izao.

¹⁶⁷ Ry Rainay any An-danitra, voasoratra ao amin'Ny Teninao Masina, arak'ireo soratry ny Mpanora-dalànao, Masindahy Matio, toko faha-5, ny andininy faha-24 hoe, "Izay handre Ny Teniko, ka mino Izay naniraka Ahy, no manana Fiainana mandrakizay; tsy ho tonga amin'ny fitsarana, fa efa tafafindra avy tamin'ny fahafatesana ho amin'ny Fiainana."

¹⁶⁸ Henoy ny fitalahoana manetry tena sy malemy an'ny Mpanomponao, ho an'ny tsirairay amin'ireo izay nanangana ny tànany. Hoy Ianao hoe, "Tsy misy olona afaka manatona raha tsy Ny Raiko no mitarika azy." Ary efa nitarika Ianao, izao maraina izao, ka efa nandre izy ireo, ary nanangana ny tànany. "Ny finoana dia avy amin'ny fandrenesana, ary ny fandrenesana ny Teny." Ary misaotra Anao aho ny amin'izy ireo androany. Ary mivavaka aho mba Hanamasinanao ny mpino tsirairay. Ary fenoy ny Fanahy Masina, ireo izay manana fo noana, izay manafoana an'izao tontolo izao, izao maraina izao, ary maniry ny hotsofaina tahaka ny vato iray mifanaraka ao amin'ny Tranoben'ny Tompo. Mangataka an'izany amin'ny Anaran'i Kristy izahay. Amena.

¹⁶⁹ Tsy mahatsapa ho hafa fotsiny ve ianareo? Tsy maka ny Tenin'Andriamanitra tahaka ny borosy fikosehana iray fotsiny ve ny Fanahy Masina, ka mikosoka fotsiny an'ireo zavatr'izao tontolo izao hiala? Noho izany dia mahatsapa ho vaovao ianareo. Ndao isika hihira an'ity hira fiderana fahiny be voninahitra ity, indray mandeha monja, ho an'ny voninahitr'Andriamanitra, ankehitriny. "Misy Loharano feno Rà, nosintonina avy tamin'ny lâlan-dràn'Imanoela." Ny rehetra miaraka ankehitriny. Eny àry.

Misy Loharano feno Rà,
 Nosintonina avy tamin'ny lâlan-dràn'Imanoela,
 Ary nitsoboka tao ambanin'ilay riaka ny mpanota,
 Very... ireo pentimpentin'ny fahadisoany.
 Dia very ny pentimpentin'ny fahadisoany rehetra,
 Dia very ny pentimpentin'ny fahadisoany rehetra;
 Ary nitsoboka tao ambanin'io riaka io ny
 mpanota,
 Dia very ny pentimpentin'ny fahadisoany rehetra.

¹⁷⁰ Hanontany zavatra aminareo aho izao ankehitriny izao. Firy no mahatsapa fa eo ambanin'ny Rà avokoa ny fahotanareo? Hanangana ny tànanareo fotsiny ve ianareo. "Mino aho ankehitriny fa mamela ahy Andriamanitra, ary izaho—Zanany aho." Oh, oadray!

Ankehitriny, ilay mpangalatra teo am-pahafatesana, dia nifaly mba hahita
An'io Loharano io tamin'ny androny.

Teo am-pahafatesana izy. Nifaly izy mba hahita an'ilay Loharano tamin'ny androny.

Eo aho no tokony, na dia ratsy tahaka azy aza,
Hanasa an'ireo otako rehetra.

¹⁷¹ Raha mbola mihira an'ity andininny ity isika, ary avy eo haka an'ilay isan'andininny, dia tiako ianareo hifandray tànana amin'ny olona iray mipetrala eo akaikinareo. Manaova hoe, "Andriamanitra hitahy anao, ry rahalahy Kristiana, ranabavy," na iza na iza izany. Ankehitriny, ndao isika hihira ho an'ny Tompo ankehitriny. Voalohany, ndao isika—ndao isika hanangana ny tànantsika, raha vstantsika, ka hihira hoe, "Ilay mpangalatra teo am-pahafatesana," ankehitriny, eo amin'ny isan'andininny, avy eo dia mifandraisa tànana.

Ilay mpangalatra teo am-pahafatesana dia nifaly mba hahita,

Ray, manompo Anao izahay ankehitriny.

...Loharano tamin'ny androny;
Ary eo aho no tokony, na dia ratsy tahaka azy aza,
Hanasa an'ireo otako rehetra.
Hanasa an'ireo otako rehetra,
Hanasa an'ireo otako rehetra;

Mifampitantàna ankehitriny.

Ary eo...
Hanasa an'ireo otako rehetra.

¹⁷² Faly toy ny ahoana isika amin'izao andro izao, amin'ny maha-mpino Kristiana, amin'ny maha-vahoaka teratanin'ilay Fanjakana, ka nanasa ny fahotantsika rehetra Andriamanitra, ary nanao antsika ho olom-baovao ao amin'i Kristy Jesosy! Ankehitriny, faly ho an'ny Tompo ve ianareo? Mahafinaritra!

¹⁷³ Tsarovy ankehitriny, ry sakaiza, fa hisy eto indray ireo fotoana rahariva. Andriamanitra hitahy anareo.

¹⁷⁴ Naka ela kely kokoa aho, izao maraina izao, noho izay nokasaiko. Manana fihaonana iray avy hatrany aho, aorian'ny fivoriana. Ary tsy maintsy hihaona amin'ny sasany aminareo sakaiza malala aho. Manontany aho raha mety ho azo atao ny hanemorantsika an'izany ho an'ny rahariva, rehefa hiverina ho an'ireo fotoana aho rahariva. Satria, izaho fotsiny... Nihevitra aho fa hahafarana tamin'ny iraika ambin'ny folo, ary ankehitriny isika dia manana ny... Firy no tokony hivavahana? Aoka ho hita ny tànanareo mitsangana, hatraiza hatraiza. Manana mpanatrika maro hivavahana isika.

¹⁷⁵ Ary noteneniko taminareo hoe ahoana fa io lehilahy Loterana io, tany, dia nanoratra taratasy iray tahaka an'izany ho ahy ary nanameloka ahy, ka hoy izy hoe, "Lehilahy nitory teny tamin'ny olona," izay nataoko, "ary nilaza fa tsy afaka manasitrana ny devoly," sy ny sisa. Dia namaly azy moramora arak'izay fantatro aho.

¹⁷⁶ Nanoratra indray izy, taratasy iray, ka nanao hoe, "Te hihona aminao aho any amin'ilay Fivorian'ny Business Men."

¹⁷⁷ Ary izaho—ary nanontany an-dRahalahy Moore aho raha hanome toerana iray ho azy izy. Hoy izy hoe, "Eny."

¹⁷⁸ Ary nentin'izy ireo nivoaka tao amin'ilay seminera Loterana aho, ary nanao sakafotra hariva teo, izay nisy an'ireo mpianatra rehetra sy ny mpampianatra ireo. Ary io no zokiolona; nipeetraka teo akaikiko izy. Ary niara-nisakafo hariva izahay. Ary Alemana izy ireo. Ary izy ireo nanana ny—ny—sakafo hariva lehibe iray. Ary ireo—niandry anay ireo ramatoa rehetra, sy ny sisa. Rehefa tapitra ny sakafotra hariva, io zokiolona Loterana io, an'ilay kolejy Loterana, dia nitsangana ka nanao hoe, "Rahalahy Branham, nitondra anao teto aho ho an'ny tanjona anankiray." Hoy izy hoe, "Izany dia, te-hahita an'Andriamanitra ao amin'ny batisan'ny Fanahy Masina izahay." Nijery azy aho; nijery an-dRahalahy Moore. Ary nijery ahy Rahalahy Moore. Hoy izy hoe, "Nitsikera anao aho, ary miala tsiny." Hoy izy hoe, "Rahalahy Branham, marina ny anao, ary mangataka anao aho hamela ahy. Ary ankehitriny dia mila ny batisan'ny Fanahy Masina izahay." Hoy izy hoe, "Efa nahita betsaka nandaka sezsy sy nanimba zavatra izahay, saingy," hoy izy, "mila ny tena Fanahy Masina izahay."

¹⁷⁹ Hoy aho hoe, "Mino ve ianareo?" Hoy izy...Hoy aho hoe, "Inona ilay seminera Loterana...Inona ilay anaram-piangonana Loterana?"

¹⁸⁰ Hoy izy, "Tsy miraharaha an'ilay anaram-piangonana Loterana izahay. Mila an'i Kristy izahay."

¹⁸¹ Ary i Bob Schuler sy izy ireo, ilay tonian'ny Christian Herald, sy izy ireo, dia vao avy nandray ny Fanahy Masina, sakaiza akaikin'i Billy sy izy rehetra ireo. Noana ny Fanahy Masina ireo rahalahy ireo. Ary avy eo dia hoy aho hoe...

Hoy izy hoe, "Ho an'ireo Loterana ve Izany?"

Hoy aho hoe, "Izany dia ho an'ny, 'Na iza na iza maniry, aoka izy ho avy.'"

Hoy izy hoe, "Ahoana no ahafahanay mandray Azy?"

Hoy aho hoe, "Tena tso-po marina tokoa ve ianareo?"

¹⁸² Hoy izy hoe, "Eny, Rahalahy Branham, avy amin'ny halalin'ny fonay."

Hoy aho hoe, "Ahoana ny aminareo mpianatra?"

¹⁸³ Nitsangana ny tànana rehetra, ary nikoriana teo amin'ny takolak'izy ireo ny ranomaso. "Mila an'i Jesosy izahay."

¹⁸⁴ Hoy aho hoe, "Akisaho ny vilianareo. Raiso ny dabilionareo, tereo eo amin'ny rindrina izy ireo." Nanao ny lehilahy tsirairay, ny manodidina rehetra. Hoy aho hoe, "Mandohaleha ankehitriny ary atodiho mankany amin'ny rindrina ny tarehinareo, ka manomboha mangataka amin'Andriamanitra ny Fanahy Masina." Ary nasaiko nitsangana sy nivavaka Rahalahy Moore. Nandeha aho, nametra-tànana teo amin'ny tsirairay avy, ary ireo mpianatra roa amby fitopolo, sy ilay zokiolona, dia nandray ny batisan'ny Fanahy Masina. Ary manozongozona io faritra any io izy ireo, amin'ireo fahagagana sy asan'Andriamanitra. Manana asam-panasitranana sy ny zavatra rehetra izy ireo, ilay seminera Loterana.

¹⁸⁵ Oh, afaka mihra amin'ny fifalian'ny foko aho! Nahoana? Rehefa noana sy mangetaheta ianareo!

¹⁸⁶ Ity vehivavy mampalahelo, kely mandry eto ity, eo am-pahafatesana amin'ny homamiadana, noana sy mangetaheta tokoa izy, izao maraina izao, mba hanasitranan'Andriamanitra azy. Ary misy maro aminareo no mipetraka eo miaraka amin'ny aretim-po. Izany tokoa. Ho faty avy hatrany ianareo, raha tsy manasitrana anareo Andriamanitra. Misy betsaka ny manana aretina hafa, izay tena ratsy. Fa, ry sakaida, aza mijery ny fitsarana; tsy afaka mandoa ny vidin'ny fitsarana ianareo. Aza mijery ny lalàna, satria tsy azo tandremana ny lalàna. Fa, mijere an'i Jesosy irery ihany, satria Izy no Anankiray Izay nanavotra anareo. Ary, amin'ny alàlan'ny finoana Ny Anarany, no ahafahanareo ho salama izao maraina izao.

¹⁸⁷ Ary raha nandefa Loterana fitopolo Andriamanitra—mpitoriteny Loterana, hitory ny Filazantsara, niaraka tamin'ny batisan'ny... tamin'ny fametrahan-tànana. Nilaza Jesosy, rehefa nanome antsika ny adintsika Izy... Tahaka an'i von Winkelried, hoy izy hoe, "Miadia amin'izay ananantsika." Izao no Nolazainy hoe, "Izao famantarana izao no hanaraka an'ireo izay mino. Handroaka fanahy ratsy amin'Ny Anarako izy ireo, na demony. Hiteny amin'ny fiteny vaovao izy ireo. Ary raha manaikitra azy ny bibilava, dia tsy hampaninona azy ireo izany. Hametra-tànana amin'ny marary izy ireo, dia ho sitrana ireny."

¹⁸⁸ Ary jereo ilay fandrantsanana lehibe, manodidina an'izao tontolo izao mihitsy ankehitriny, mandroso ny Filazantsara. Ary ireo zanak'i Adama, izay nandray ny fahasooavan'i Jesosy Kristy Tompontsika, dia miady mafy ho an'ny lèlany, ary manapaka ny lèlana mamakivaky an'ilay fahavaloxo ankehitriny. Ary maka arak'izay vitantsika fotsiny isika.

¹⁸⁹ Ary raha olona salama ianareo, izao maraina izao, izay mankasitraka ny fahasalamana tsara, dia tsarovy izy ireo rehefa mivavaka ho azy ireo isika.

¹⁹⁰ Ary hangataka aho mba hilahatra eto amin'ity ilany ity ireo marary, eto amin'ny ankavanako. Ary raha ho avy ireo loholona ka hanampy azy ireo, raha sitrakareo. Ary mangataka an'ireo mpitoritenin'ny Filazantsara aho, raha hitsangana eto izy ireo, akaiky, ary hivavaka.

¹⁹¹ Noho izany dia aza miala raha misy azonareo atao. Tehangataka antso eny amin'ny alitara iray hafa aho, vetivety fotsiny, vantany vao mahavita isika. Tsy hifarana ireo fotoana, amin'ity asam-panasitranana ity.

¹⁹² Milahara amin'ity ilany ity ankehitriny. Ary hangataka an-dRahalahy Neville isika, rahalahy malalantsika, raha hanao arak'izay ataontsika mahazatra izy. Raha afaka izy ireo... Andriamanitra hitahy anao, ranabavy. Inona ilay izy? [Elanelana tsy voaraki-peo—Mpand.]

Minoa fotsiny, minoa fotsiny,
Ny zava-drehetra azo atao, minoa fotsiny;
Minoa fotsiny...

¹⁹³ Aiza no jerena? Any amin'i Jesosy. Tsy nahomby ireo dokotera. Tsy nahomby ny zavatra hafa rehetra. Fa, "Ity no Zanako Malalako, henoy Izy." Inona no Nolazainy? Hoy Izy hoe, "Henoy Izy." Inona no Nolazainy? Inona no Nolazainy?

Minoa fotsiny,
Nahoana? "Ny zava-drehetra azo atao."

Aza matahotra, ry ondry vitsy, manomboka
amin'ny hazo fijaliana ka hatrany amin'ny Seza
fiandrianana,
Niditra Izy... teo amin'ny fiainana, nandeha irery
Izy; (...?)
Izy... hery eto an-tany, hery rehetra any Ambony,
Dia nomena Azy ho an'ilay ondrin'ny Fitiafany.

¹⁹⁴ Ny hery rehetra, ho an'ny aretina, ny zavatra rehetra, dia nomena Azy.

Fotsiny...
Henoy Izy. Minoa fotsiny!
... minoa fotsiny,
Ny zava-drehetra...

¹⁹⁵ Rehefa tsy mahomby ny lalàna, rehefa tsy mahomby ny dokotera, rehefa tsy mahomby ny zavatra rehetra, dia inona no Nolazainy? Minoa fotsiny. [Elanelana tsy voaraki-peo—Mpand.]

¹⁹⁶ An-jatony, heveriko. Ny sasany amin'izy ireo dia tonga amin'ny seza misy kodiarana. Ny anankiray eto eo amin'ny fitondra-marary, eo amin'ilay tena toeran'ny fahafatesana mihitsy.

¹⁹⁷ Ny mpitsabo malalanareo, amin'ny maha-olona izay mandidy an'ilay ampaham-batana, momba ny rafi-batana, ary

mijery ka mahita ny zavatra rehetra izay vitan'izy ireo, amin'ny fahalalany, miezaka mamonjy aina izy ireo, saingy matetika no tsy mahomby.

¹⁹⁸ Tena faly isika fa ity Rahon'ny voninahitra mamiratra izay mihantona eo Amboniny ity, dia nanao hoe, "Fa ity no Zanako Malalako." Rehefa tsy nahomby ny lalana, ary tsy nahomby tamin'ny fanatanterahana ny fitsarana, tamin'izay fotoana izay dia hoy Andriamanitra hoe, "Henoy Izzy." Ary inona no Nolazainy? "Ny zava-drehetra dia azo atao raha mety mino fotsiny ianareo."

Vonjeonao ny tsi-finoanay.

¹⁹⁹ Ary amin'ny maha-mpitoritenin'ny Filazantsara, dia handeha hanosotra ny marary izahay ankehitriny, ary hametra-tànana eo amin'izy ireo, raha mikambana miaraka ao amin'ny vavaka ny olona voatokana an'ity tabernakla ity. Andriamanitra, tahio ny ezakay, ary sitrano ny marary, mangataka amin'ny Anaran'i Jesosy izahay.

²⁰⁰ Miaraka amin'ny lohantsika miondrika ao amin'ny vavaka ankehitriny, ary raha mihira moramora ny fiangonana hoe *Minoa Fotsiny*. Rahalahy Neville hanosotra. Izaho hametra-tànana amin'ny marary.

²⁰¹ Ray any An-danitra Malala, vao avy ao ambadiky ny lampihazo mihitsy, izay ijoroako eo anelanelan'ny fahafatesana sy ny fainana, eo anelanelan'ny mpanota sy ny Fitsarana, manondro amin'izy ireo an'ilay lalana handosirana, dia mandroaka an'izany ho any ivohon'izy ireo aho ankehitriny ary mametra-tànana amin'ity vehivavy marary ity. Ary satria mitsangana ireo malala, mijery azy, tsy misy zavatra anankiray afaka hanampy ankehitriny afa-tsý Ianao, mametra-tànana eo aminy aho, araka ny Nandidiana... .



FANANGANAN-ANAKA ARA-PANAHY MAG56-0923
(Spiritual Adoption)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady maraina, 23 Septambra, 1956, tao amin'ny Branham Tabernacle ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarin'ny Voice Of God Recordings.

MALAGASY

©2024 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org